

უნიონის რედაქცია

განთიადი

ჩიზი

ორკვირული სამეცნიერო, სა-
ლიტერატურო და საპოლიტიკო
ჟურნალი.

შ ი ნ ა ა რ ს ი:

1. შერი—ლეჰსი, გ. ტაბიძისა.
2. თიშარი, დ. თურდოსპირელისა.
3. ბრწყინვალე მომადლისკენ, ივ. ი—ნისა.
4. სააღდგომო კება, მოთხრობა, კირილე
წუთისოფელელისა.
5. დაღუპული ოჯახი, რ. სიჯავახიშვი-
ლისა.
6. რა არის ცოცხალი ორგანიზმი? ექიმი
ბადრიძისა.
7. ჩვენი მდგომარეობა, იასონ ლორთქი-
ფანიძისა.
8. ჩვენი ახალი ლიტერატურის ისტო-
რიიდან, ნ. ნიკოლოძისა.
9. კრიტიკა, ი. გრიშაშვილი, იბ. ვარ-
თაგაისი.
10. ყულახის მოპარვა, X-ისა.

15 აპრილი 1916 წ.

გ შ თ ა ი ს ი

სტამბა „მშობა“, ქარვისლოს ქ., სხელი ჩარეკოვისა.

მეაბრეშუმეთა საყურათღებოთ!



მიუხედავთ ამისა და საქონლის გაძვირებისა ჩვენ დიდ ძალი აბრეშუმის თესლი გამოვგზავნეთ ქუთაისში, საუკეთესო საფრანგეთის ფირმებისა, საფრანგეთის მთავრობის მიერ შემოწმებული და საფრანგეთის სამეურნო სამინისტროს მანდეროლით კოლოფებზე, ასე რომ კავკასიის სააბრეშუმო სადგურის მიერ შემოწმება არ კირდება, რადგან საფრანგეთის მართებლობა მარტო საღს თესლს უშვებს უცხოეთში.

თითო კოლოფი შეიცავს 7 მისხალ თესლს და მისგან მოყვანილი პარკი 100/0 მეტ რანდემანს იძლევა. მსურველთ ჩვენი თესლი შეუძლიათ შეიძინონ

ქუთაისში, ისიდორე კვიციანიძესთან, „იმერეთის“ კანტორაში.
გთხოვთ დაუჩქაროთ ამ ერთათ ერთი საღს თესლის შეძენას!

პეტროპოლისით დაფით დაზაშისე და ამს., ლონდონში.

ყოველდღიური საზოგადოებრივი და სალიტერატურო გაზეთი

 „სახალხო ფურცელი“ 

(სურათებიანი დამატებით).

წლიურათ ღირს 8 მან. 50 კ. ერთის თვით—75 კაპ.

მისამართი: Тифлисъ, газ. „Сахалхо Пурцели“ поч. ящ. № 190.

თფილისის წიგნის მაღაზიეზი იყიდება

გ. თუმანიშვილის წიგნები:

Итоги земскихъ совѣщаній на Кавказѣ.

ფ. 60 კაპ.

Характеристика и воспоминанія,

(ქართველი და სომეხი მწერლები და სხვა მოღვაწეები. - ქართული თეატრი. - რუსის მწერლები და მოღვაწეები კავკასიაში).

მეორე შეესებული გამოცემა. ფ. 50 კაპ.

ПЕРВЫЙ КАМЕНЬ

(Къ закладкѣ фундамента Тифл. Политехникума).

ფ. 15 კაპ.

ორგეირული სამოლიტიკო, სალიტერატურო და სამეცნიერო ყურნალი.

მერი.

შეს ზღვის პირათმილიოდი, მერი,
სხიეკვეშ თრთოდა შენი ნაზი ტანი,
და გვარავდა მწვანე სუროსფერი,
ცაცხვისა და ალვის ხეივანი.
შენს ღიმილში მწუხარების ჩქერი,
მოულოდნელ სიყვარულათ ვცანი:
როგორც მთვარის შუქი აღმაცერი,
როგორც სიოს უცხო მიმოხვრანი.
ამ ღიმილში უცხო, შევნიერი,
გამოკრთოდა სევდა—კაეშანი,
როგორც სხივზე ყვავილების მტვერი
ცისკრის ნამით თრთოლვილ ვანაბანი...
იმ ღიმილზე, იმ სევდაზე ვმღერი,
ბანს მაძღვევენ ყვავილნი და მთანი...
მერი, ჩემო შორეულო, მერი,
შენკენ მოქრის ბედის იალქანი.

ბ. ტაბიქ.

თამარი.

რა ტურფა... რამოშხიბლავია თამარი...
არ შეიძლება არ შეიყვარო ის, თუ გესმის
სილამაზე... სიშენნიერე... სიკეკლუცე...
იხილე იგი და კვლავ მოთხოვე შენს
თავს იყო ერთგული სხვაქალისა... არა, არა...
არ შეიძლება ესა... თამარის უგულუბელ ყო-
ფა-შეურაცხყოფა იქნება სილამაზისა... შევი-
ნება სიყვარულისა... მკვრებელობა წმიდათა
წმიდისა...

იგი შემიყვარდა გავიყვებით, გახელებით,
რა წამსაც-კი შემომანათა თვალები... მან და-
ისაკუთრა ჩემი გული, მიუხედავთ იმისა, რო
მე კანონიერათ ვეკუთვნი სხვა ქალს, რომელ-
საც ეწოდება ჩემი ცოლი.

ცოლი!.. ცოლი!..

ცოლი იმასა და იმის თავს... რა ვუყოთ,
თუ მასთან ვარ შეუღლებული... რა ვუყოთ,
თუ ხალხი, საზოგადოებრივი შეხედულობა მა-
ვალებს პირობის მტკიცეთ შენახვას—მე სრუ-
ლებითაც არ ვუწევ მათ ანგარიშს... მე არა
მწამს ამ გრძნობაში კანონი, წესი.. საზოგა-
დოებრივი შეხედულობა... სიყვარული თავი-
სუფალია... არ შეიძლება მისი მომწყვდევა და
დამორჩილება, როგორც ვერ მოიმწყვდევთ
წყვდიადში მზის სხივს, ვერ დაიმონებთ ნიავს,
ვერ შებორკავთ მგოსნის ოცნებას...

ხო და, მაშ, რა უფლება აქვს ჩემს ცოლს
მომთხოვოს ვიყო მისი ერთგული და ნიადგ
მას ვეტრფილო, თუ-კი სხვა მიყვარს... რა
უფლება აქვს მომიწვეს ამაღამ გვერდით, თუ-
კი ჩემი სული შორს, ძლიერ შორსაა მის-
გან...

მიკვირს, ან აქამდი როგორა ვცხოვრობ-
დი მასთან, როგორ დავიწერე ჯვარი?..

ეჰ, რა ჩემი ბრალია... რა ჩემი ბრალია,
რო წინათ ვერ შევხვდი თამარს, რომელიც
ჩემს ღმერთადაა დაბადებული...

თამარი... თამარი...

თვით მისი სახელიც-კი მომთხრობელია
მისი ჯადოსნური შევნიერებისა .

მსგავსათ მისტიური ლოგოსისა ამ სახე-
ლის თითოული ასო ღაღადებს მასზე, რაც
უძვირფასესია ცათა და ქვეყნათ... რაც აშა-
რავანდებებს ჩვენს უხანო, ტიალს ცხოვრე-
ბას...

აი უყურეთ:

— თითოღაა უბიწოო სიყვარულისა.
 — ამბობრებაა ქალწულღებრივი გაზაფხუ-
 ლისა...
 — მითია, ზღაპარია უუსაყვარლეს სა-
 ქართველოს კეკლუცი ბუნებისა.
 — რიყრაყია — უთვალავი სხივებით შე-
 ფირუზ-შემარგალიტებული რიყრაყი უკვდა-
 ვებისა.
 — მცნებაა, ნათელი სიზმარია ატევერ-
 ბული წალკოტის კდემამოსილი ფერიებისა...
 თამრო!.. თამარი!..

ახ, ნუ მაგონებთ ღვთის გულისთვის ჩემს
 კოლს... მე მიყვარს თამარი... მე მარტო-
 მარტო თამარი მიყვარს და ეს სიყვარული
 წრფელი ცრემლებით მინდა წაფაწერო მზის
 სხივებზე... ვარსკვლავ-მთიებზე... ზღვის ქა-
 ვებზე... მოხასხასე ყვავილ-ფოთლებზე...
 ნუ, ნუ მაგონებთ, ღვთის გულისთვის, ჩემს
 კოლს...
 ნუ მიმღვრევთ ცნობას...

დ. თურდოსიანელი.

ბ რ წ ყ ი ნ ვ ა ლ ე მ ო მ ა ვ ლ ი ს ა კ მ ე ნ .

(გაგქელვა).

ძველი სტუმრები შეუერთდნენ ახალ მო-
სულეებს. გაჩაღდა ხელებზე და თავ-პირზე კოც-
ნა, ალერსიანი მისალმება და ეშხიან თვალთა
კიმციმი.

ბაბომ ისინი აივანზე მიიბატიყა. სულ
კოტა ხანში ისევ გაგძელდა მხიარული ბაასი.
სტუმრები გძნობდნენ სადილის მოახლოვებას
და ყოველი მათგანი კთილობდა საყურათღე-
ბო რამ ეთქვა.

ძლიერი ბოხის ხმით ალაპარაკდა ვახტანგ
ამირეჯიბი.

— ბატონებო, დაიწყო მან, ბორკტ
ენებს ბევრი კული შეუძლიათ თქვან ჩემ შესა-
ხებ, აბა, რა მენადღლება. მარა ვახტანგ ამირე-
ჯიბი მშიშარააო — ვერავენ იტყვის.

დაგარწმუნებთ, შიში არას ღროს არ
მიგრძენია. ცოფიან მგელსაც არ მოვრიდები-
ვარ!.. ნაფუტკრი დათვი დამედევნა ერთხელ,
მარა ყურებში ხელი ჩავავლე და ეგრე დავი-
მორჩილე!

დღეს-კი, შეიარაღებული ინგუშები რო
დამყვიებინან, ვილაც — ვიგინდარებს გონიათ თით-
ქო შეშინებული ვიყო. რაც უნდათ, ისა
თქვან!..

ირაკლი მეფე იტყოდა, თურმე, აი, ჩვენნი
პატარა კახი:

— ვაშკაცს ვაშკაცის როდი უნდა ეში-

ნოდეს, საშიშარია მხოლოთ გლახაკი და ზურ-
გიდან შემპარავიო —

უნდა გითხრათ სიმართლე, მეც აგეთი
გმირების სხვრეზლი შევიქენი!

კეთილი გულის მეტი, აბა, რა მიმიძღვის
ჩემ გლენებთან. სანამღი მაფასებდენ — მეც მა-
თი პატრონი ვიყავი, ფული, ხორბალი, თუ
სიმინი, რამდევჯერ წაულიათ ჩემგან მაგ უმა-
ღურებს. დღეს-კი, ვილაც ავაზაკების ჩაგონე-
ბით ამიჯანყდენ, აბა! ამიჯანყდენ, ბატონო!
რაო და, ვინ მოგკათ ამდენი მამულიო!

ტყე ამიჩენეს, მოურავი ოთხჯერ გამილა-
ხეს და მეც სიკვდილით მემუქრებოდენ: — არ
გვიჩივლო მთავრობასთანო!.. ასეთი თავგასუ-
ლობა გინახავთ?..

— ძირს ბატონ-ყმობაო! იძახდენ ეგ
კოდვის შეილები, თითქო მართლა ბატონ-
ყმობის ხანაში ვცხოვრობდეთ?

მოგეცათ სიცოცხლე ისინი ავლაგმინე!
ლაპარაკში ჩაერია ჯერ კიდევ ახალგაზდა
უნევერსიტეტ დამთავრებული თავადი კოტე
ყურუშიანი.

— მეცნიერებაში უკვე დამტკიცდა ის
აზრო, განაცხადა მან, რო ბატონ-ყმობას
საქართველოში აღგილი არ ქონებია; ამ აზრს
მე საფხებით ვეთანხმები და ამასვე ამტკიცებდა
თვის ეკონომიურ გამოკვლევაში აწ განსვენე-

ბული პუბლიცისტი მიხეილ წერაშვილი. ზოგიერთი უნიკო მწერლები-კი დღესაც გაიძახიან:

— სოციალური განხეთქილება მუდამ ყოფილა—მუდამ იქნება!

— O tempora, o mores!

დაამთავრა კოტე ყურუშიანმა თვისი აზრი ციკერონის უეკლავი სიტყვებით და მეცნიერულის სიდინჯით გადახედა ქენინებს, თავადებს და თავადთა ასულებს, თითქო სურდა გაეგო: აბა, თუ ვინმე აპრობს საწინააღმდეგოთ გამოლაშქრებასო.

ხმასაც არაფერ იღებდა!

ლაპარაკმა მეტათ სერიოზული ხასიათი მიიღო, რაც სრულიათ არ შეფეროდა სამხიარულოთ მოსულ სტუმართა სულიერ განწყობილებას.

სასურველი სიხალისე მხოლოთ შეენიერ ვალიდას ლაპარაკს შეეძლო გამოეწვია და ეს უკანასკნელიც სწორეთ ამ დროს აქიკიკდა.

მისმა ფაქიზმა მიხვრა-მოხვრამ, ჯადოსნურმა ღიმილმა და გულ-მკერდის ხელოვნურათ თამაშმა ხალისი დაბადა.

ყველანი სმენათ იქცენ და გასხივებული სახით შეცქეროდნენ ამ ქალს, რომლის მაკვიტ შავ თვალებს არა ერთი ახალგაზდა დაუსწევს ეღებო.

ვალედა ბავშვივით ტიკტიკებდა რაღაც სისულელეს, მარა ისეთი სიამოვნებით, ისეთი გატაცებით უსმენდნენ, თითქო მარგალიტები ცვიოდა იმ პაწაწინა ვარდისფერ ტუჩებს, რომელთა არსებობის მიზანი მხოლოთ კოცნა იყო და მეტი არაფერი.

ბედნიერი ცალი გაუბედურებულ მიუღლისა, ვალიდა ხუთი წელიწადი იქნება, რაც თავბრუს ახვევს ქუთაისის საზოგადოებას, როგორც კაცებს, ისე ქალებს. მისი სახელი ყველას პირზე აკრავს, ყველა მათე ოცნებობს, იმღერის და სასიმღერო ლექსებსაც თხზავს.

ამ რომანტიულ ქალაქში ხშირათ აყალი-მაყალიც-კი ხდება ვალიდას ღირსებათა დაფასების ნიადაგზე. ესენი ყველა კარგათ იცის ეშმაკმა ვალიდამ, მარა რა ქნას? რამისი ბრალია?

ბულბული ვარდს და ეკალზე თანასწორ მომღერალია?!

შენიერი აფროდიტა ხშირათ დადის ქალაქის თეატრში და სასიერნო ბაღში თაყვანისმცემლებით გარშემოხვეული. მისი კანონიერი ქმარი-კი, საბრალო მისი ქმარი, სულ უკან დაყვება შორი-ახლო, როგორც უფასო რამ დამატება. ვალიდა ყველგან მხიარულია, სადაც მისი ბაიყუში არ ყავს და ბაბომაც სწორეთ ამისთვის არ დაპატიყა იგი „მეუღლითურთ“...

ვაიტაცა, მოხიბლა ვალიდას უმანკო ქიკიკმა ბაბოს სტუმრები. მათ სახეზე თვალეზი იცინიან, ტუჩები ღიმილს ვერ ფარავენ, ყველა მას უცქერის.

ვალედა-კი, ეს საერთო ყურათლების დიდი საგანი, ფეხზე ფეხ გადადგმული ზის თავისუფლათ რბილ სავარძელში. აბრეშუმის თეთრი კაბა შუა წვივებამდილა ფარავს სანთელივით ჩამოქნილ მის ფეხებს. და, თითქო განგებო, უფრო მიმზიდველათ, უფრო საოცნებოთ ხდის ფეხის იმ დამალულ ნაწილს, რომელზედაც პოეტს უთქვამს:

— სიმბოლოა უცნაურიო!

ვალიდას მოხდენილ ფეხების ეშხით თავბრუხვეული მოხუცი ხუმარა ქაიხოსრო უეცრათ დადინჯდა, შეპარავით გაიყურება დროთა ბრუნვისგან აკრძალულ სამოთხისკენ და გულდაკოდლი უიმედოთ ნატრობს და ნატრობს:

— ვაი, მაგ ფეხები ამ გულზე დამცა და, თუ მომკლავს, შენნი ჭირი წამილიაო!..

ამ დროს დიდ ცაცხვის ჩრდილქვეშ სასადილო სუფრა უკვე გაეშალათ. ყველაფერი მზათ იყო. ბაბო წამოდგა, ხალისიანი ნაზი ხმით რაღაც წინადადება მიცა თვის სტუმრებს და შრიალ-შრიალით ეზოსკენ წაუძღვა...

НѢТЬ, князь, низачто! სუფრის თავში თქვენ დაბძანდით!

შეებატიყა გაკოტრებული ალუშაჰილი მდიდარ ამირეჯიბის ისეთი კილოთი, თითქო ეუბნებოდა:

— ჰეი, ჰეი, ერთ დროს არავის ვეკითხებოდი აქ ჯდომასო!

ვახტანგ ამირეჯიბიც, ალბათ, მიხვდა მო-

ხუც აბღუშაპილის ჯამბაზობას და მეფისტოფელის ღიმილით თხოვა:

— დაბძანდით, დაბძანდით, კნიაზ! თქვენი ადგილიაო.

ლევანი გაჯიუტდა. ვახტანგი მტკიცეთ იცავდა თვისას და მოხუცმა აბღუშაპილმა სუსტი წინააღმდეგობის შემდეგ, როგორც იქნა, დაიკავა სადაო ადგილი.

როცა ყველანი დასხდნენ, ცოტათი დანაყრდენ და ცოტა ღვინოც დალიეს. ვახტანგ ამირეჯიბმა თამადას ამორჩევს სურვილი გამოთქვა და ამ საპატიო თანამდებობის ამსრულებლათ იქვე დაასახელა ლევანი.

აწკრიალდა ქიქები.

— მოგვილოცავს ტოლუმბაშობა!

-- გაუმარჯოს ჩვენს თამადას, კნიაზ ლევანს!

— მის ბრწყინვალეობას ვულოცავთ ბრწყინვალე მოვალეობას!

ახმაურდნენ სუფრის გარშემო.

ლევანი ერთი წუთით შეეფერებინა...

შგონი, თავისებურ უარის თქმას აპირობდა, მარა მალე წამოიჭრა ზეზე, გულზე ხელები დაიკრიფა და ნელის თავდახრით მადლობა გადინადა „ასეთ პატივისცემისთვის“.

გაჩაღდა სადღეგძელოები.

თამადამ მოლოდინს გადააჭარბა. აწვედა ქიქას, თუ არა, ყურთა სმენას ატკობდა ფერად-ფერადი სიტყვები. რა გნებავთ, რო შიგ არ იყო:

„ქუქუნა თვალები“, „თფთვი სპეტაკი წვერები“, „რაინდული სიყვარული“, „მწვანე ველმიდორი“, „მამულის ტრფიალები“, „სამშობლოს მტრები“ და... კიდევ ბევრი ამისთანები.

ლამაზ ვალიდას სადღეგძელოში მაინც ლევანმა ისეთი მამულიშვილური აზრები გამოთქვა, რომ ერთ მოხუც პატრიოტს თმა ყალყზე აუყვნა. ეს სადღეგძელ თამადამ ასე დაიწყო:

— ბატონებო, ჩვენი ისტორია ქართველმა ქალებმა შექმნეს! საკმაოა გაიხსენოთ მშვიდი და ნარნარი თამარი, წმიდა ნინო, წამებული

ქეთევანი და სხვანი და სხვანი, რო ღირსეულათ დავაფასოთ ქართველ ქალების ღვაწლი მამულის წინაშე.

— ვინ გვამხნევებდა მტერთან ბრძოლის დროს?

შქეპარე ხმით იკითხა ლ. აბღუშაპილმა.

ქართველი ქალი!

ვინ მოგვცა ქრისტეს სჯული?

ქართველმა ქალმა!

ვისი შვილი იყო დავით აღმაშენებელი?

ქართველი ქალის!..

ღიას, ბატონებო, შეუძლებელია ქართველი ქალის დაფასება, თვით დიდებულ შოთას ქალის შევენებამ დააწერინა უკვდავი „ვეფხისტყაოსანი“. ღიას, შევენებამ! და, თუმცა დაკარგული გვაქვს ბედი, ეს ცით მონაბერი შევნიერება დღემდე შერჩენია ქართველ ქალს. თქვენ-კი, კნენა ვალიდა, როგორც ამ შევენების განსახიერება, გვედრებით ნუ დაახშობთ თქვენს ღვთიურ ნიქს, მზის სხივებით მოველინეთ დაჩაგრულ სამშობლოს არე-მარეს, რო მაგ სილამაზით მოხიბლული ტარიელი კვლავ გარბოდეს, ვითარცა გმირი ცხრა კლიტულმა დამწყვედულ ნესტან დარეჯანის გამოსახსნელათ.

ასეთი მოქარგული სიტყვებით დასრულა ლევან აბღუშაპილმა ვალიდას სადღეგძელო და მთელის სიმძიმით ნელა, ნელა დაეშვა სავარძელზე.

გაისმა ტაშის ხმა.

— გაუმარჯოს მამულს, გაუმარჯოს ქართველ ქალებსო —

შქეპარე ხმით დაიქუხა ჯიბილო ვახუხოვმა, ამ პატრიოტულის გრძნობით გაქედნთილმა მოხუცებულმა.

— მრავალ ქამიერ ვალიდას! იცოცხლეთ, ჩვენო ვალიდა! გაუმარჯოს მამულს! გაიმეორა სხვებმა.

— მრავალ... ვალ ჟაააა.. მიიერ მრავალვალ. ჟა...აა მიიი ერ

მრა ვაააალ.. მრავალ ჟამი.. ევერ!

პატარა ბაუზის შემდეგ:

ღმევე... რთმან იიინევე... ბოს,

ღმევე... რთმან იიინევე... ბოს

თქვენიი... თქვენი სი... ცო.. ცხლევე!
აწკრიალდა ქიქები, აიწია თავები და
შვიდი წლის ღვინო, ერთ—დიდ ქვევრიდან
ამოღებული, რაკრაკით გადაეშვა სტუმრების
პატარა ქვევრებში.

ივ. ი—ანი.

(შემდეგ იქნება).



სააღდგომო კაბა.

(მთხრობა).

II.

მართა გაიტაცა ფიქრებმა. მართალია,
ასე იყო, თუ ისე, მან ქმრისგან ნებაბრუნა
აიღო, რო ვალის აღებაში ისე მოქცეულიყო,
როგორც მას თვითონ სურდა. მარა საქმე ის
იყო, როგორ მოხერხებია ეს? ის ჩინებულათ
გმნობდა, რო ვალის აღება და ისიც ისეთი
საქმისთვის, რისთვისაც მას ის სჭიროდა, არც
ადვილი იყო. აქ სულ სხვანაირი მოხერხება
იყო საჭირო, რაც მართას ვერ მოდიოდა
ქკუაში... ბოლოს, გადაწყვიტა პირდაპირ
ემოქმენდა და ამ აზრით დილიდან დაიწყო
მზადება: ერთ მეზობლის ქალს შალის კაბა
თხოვა, მეორეს—ფესხაკმლები, მესამეს—თავსა-
ხურავი, რო თვალსაჩინოთ გამოწყობილიყო
და ღარიბულათ ჩაცმულ-დახურული არ შე-
ფეთებოდა ვაჭარს მთხოვნელათ. მართა მო-
ერთო გატეხილი პატარა სარკის წინ, გაი-
სწორა თავსახურავი და გასწია სოფლის დუ-
ქნებისკენ... სოფლის სასამართლოს გვერ-
დით რამდენიმე დუქანი იყო ჩამწყრივებული,
სადაც ორ-სამ ადგილას მანუფაქტურის სა-
ქონლითაც ვაჭრობდნენ.---ის, პირველათ შა-
ფათა ურიას ეწვია, დაეღრიჯა და თხოვა ნი-
სიათ მიეცა საჭირო შალ-აბრეშულობა. მარა ური-
ამ, გაიგო თუ არა, რომ ის არა სახუმრო ფუ-
ლის ღირებულს თხოულობდა, გადაჭრით
უარი გამოუცხადა. მართამ ბევრი იტრიალა
ურიის წინ, მოკლე ვადა გადაუჭრა და რაგბს

არ დაპირდა, მარა ურია სულ უარზე იდგა
და, ბოლოს, ორაზროვანი სალანძღავი სიტ-
ყვებით დაუწყო მასხრობა და მოიშორა თავი-
დან ეს ახირებული მთხოვნელი... მეტი გზა
არ იყო, ის იაკობას წინ უნდა გამოცხადებუ-
ლიყო. მარა საქმე ის იყო, რო მასთან ვაჭ-
რობისა ეშინოდა, რადგანაც იაკობამ ხელდა-
ხელი მოტყუება იცოდა და არც სხვანაირათ
დაინდობდა კაცს.

მართლაც რომ, იაკობა არა ღირსეული
კაცი იყო, ქურდისა და ბაცაცის სახელი
ქონდა დაეარღნილი და არც დაცემა-ყაჩაღო-
ბაზე იტყოდა უარს, თუ დრო და შემთხვევა
ხელს მოუწყობდა... ვაჭრობისთვის სულ სხვა
მიზნით მოევიდა ხელი, რაც ნამდვილ მის ხე-
ლობას სრულიათაც არ შეადგენდა. სავაჭრო
პატენტის ქვეშ, ის არხეინათ ეწეოდა თვის
დამალულ ხელობას, რაშიდაც ის ჩინებულათ
იყო გამოწაფული.

ეს კარგათ იცოდა მართამ, მარა ის
იმდენათ გაიტაცა სურვილებმა საწადლის მი-
საღწევათ, რო ძალა-უნებურათ მიადგა იაკობას
კარზე და თხოვა, ნისიათ მიეცა საქონელი.
იაკობამაც უარი გამოუცხადა: „არ შემიძლია,
—უთხრა მან,—ბევრი გავანისიე და ბევრი
დამეკარგა; მე სულ ნაღდ ფულს ვაძლევ სა-
ქონელში და ის, რო სოფელს დოურაგო,
ხეირს არ მძღლევსო“.— მარა მართა არ შორ-
დებოდა. ის სასოწარკვეთილებით თხოულობ-
და, ყელი არ გამოეჭრა მისი ძღაბისთვის სა-
აღდგომოთ, სამაგიეროთ პირდებოდა ვადაზე
ფულის მიცემას და კერძო პატივცემას. ია-
კობა ჩაფიქრდა და, დიდი ყოყმანის შემდეგ,
სულ სხვა გადაწყვეტილებას დაადგა.

— კი, მარა, რა პირობით აპირობ შენ
საქონლის წაღებას?—ემშაყურათ შეეკითხა ის
მართას.

— რავალი პირობაც შენ გინდა, იმის-
თანა გამომართვი,—ნდობით უთხრა მართამ.

— მე იმისანა პირობა მინდა, რო ფუ-
ლი არ დამეკარგოს.

— ფული რავე დაგეკარგება, შე კაცო, ჩვენ-
თან; ჩვენ ღარიბი ვართ, თვარა პირი გოლტე-
ხელი გვაქ.

— წაღების დროს არცერთი არ უნობს დაგეკარგებოა, მარა, როცა ჩემსას მევითხოვ, მაშინ სხვას მეუმბეზიან.

— შენი ძმობის მაღლს ფეიცავ, რომ ეს ჩვენგან არ შეიძლება... თამასუქს მოგცემ, რავალსაც შენ ინებებ.

— თამასუქი რას შეხმარება? იმის ხლაფოთის თავი არა მაქ.

— აბა, შენ რავაც გინდოდეს, ისე გავეიწყვე საქვე.

— ეტყობა, რომ შენ ცოტაც არ გინდა; შენ რომ ანგარიშობ, ამას კაი ორმოცი მანათი მოუწდება და, რახან ასეა საქმე... ჰო უნდა დამივიროა რამე.

— რა უნდა დავივიროა, იაკობა, როცა არაფერი მაქვს, თვარა არ ვიტყვი ვარს.

— ხარები... ხარები დამივირავე და წეილე, რამდენისაც გინდა.

— ხარები! — გაიოცა მართამ.

— ჰო, რას გიკვირს? აკი თქვი, ვარს არ ვიტყვი: გყავს ხარები და დამივირავე, თუ არა და შეიძლება შენი.

მართა ჩაფიქრდა. მართალია, გირავენობის წეს-რიგი მასაც ესმოდა და ხშირადაც დაუგირავებია მიწა, თუ სხვა რამე, მარა ხარების დავირავება არ გაუგონია და არც ის იცოდა, თუ როგორ უნდა მოხერხებულყო ეს.

— კი, მარა ხარების დავირავება რანაირათ მოხდება, იაკობა? შეეკითხა, დაბოლოს, საღერღელ აშლილი ქალი ვაჭარს.

— სულ უბრალოთ; ისე, რავაც სხვა საქონელს ავირავებენ.

— მაშინ ხარები ხომ შენ უნდა წეიყვანო ამ თავითვე?

— არა, ეს არა; ხარებს კი არ გამოგართმევ, ხელწერილს ჩამოვართმევ ტუტუს: თუ ვადაზე ფული ვერ მომცა, ხარები წამოვიყვანო... მარა ერთი რამე უნდა გთხოვო და იმიზა, არც შენ უნდა გამიტეხო ხათრი: იქითა კვირეში ორი დღით უნდა მათხოვო ხარები, ო როდღე ქვევა მიწა მაქვს მოსახნელი და, როცა ვავათავებ, ისევე წაყვანიე.

— ასე თუ იქნება კიდე არა უშავს, — უთხრა ცოტა იმედმოცემულმა მართამ.

— ეს ასე იქნება, მარა, თუ ყოყმანობ, უკეთესია სხვაგან მონახო საშვალება.

— კი, შენი ჰირიმე — კი; თანახმა ვარ; ვადაზე მოგართმევ ფულს.

— ჰო და ერთი თავისუფალ დროს მოდი, თან მოიყვანე ტუტუს, ხელწერილს მხათ დაგახვედრებ, ხელი მომიწეროს და წეილე, რაც გინდოდეს.

— ტუტუმ რომ არ იცის წერა-კითხვა!

— მის სახელ და გვარს მოაწერს და კითხვა, რა საჭიროა?

— აბა, ასე იაკობა; დამიედებული ვარ, რომ ეს ასე იქნება.

— უეჭველათ, დაასკვნა იაკობამ.

ამ პირობით მართა კმაყოფილი დარჩა, მაღლობა გამოუცხადა თვის კეთილის მყოფელს, გამოეშვიდობა და გამობრუნდა. კარგა დაღამებული იყო, როცა მან შინ მოაწია.

ტუტუმ რომ ეს ამბავი გაიგონა, არც აცივა, არც აცხელა; გული აუკანკალდა და ენა ჩაუარდა... „ხარები, ჩემი გულია“ და „სულია“*) უნდა დავავიროა ძაბის კაბისთვის?... ღმერთო, რათ შემასწარი ამ დღეს? რათ მომიყვანე ამ დღემდე?“ — ფიქრობდა ის და მწარე ნაღველი აწვებოდა გულზე, თუმცა მწუხარების გამუღავნებას ვერ ბედავდა... დინხის შინაგანი მღელვარების შემდეგ, მან მძიმეთ წამოიწია, წამოდგა და გაემართა ლოგინისკენ დასაწოლათ. დაწვა, მარა საღ იყო ძილი? მის გულში საზარელი ქარიშხალი მძინვარებდა. მას წარმოდგენილი ქონდა, რომ ძლივს გამოსტაცა თავი სიმშლის და, ახლა, ხელახლათ უბრუნდებოდა მას. მარა აქამდის, თუ სიმშილი აქით მოიწეოდა — ტუტუსკენ, ახლა ტუტუ მიიწეოდა სიმშლისკენ... ახირებული საქმე ხომ არ იყო? გაცხლებული მუშაობის დროს, ხარებს უღლიდან სტაცებდენ მუშას!... გაებდნა და ეთქვა: — „არ შეიძლება, არავის დავანებებ ხარებსო“ — მაშინ

*) „გულია“ და „სულია“ ხარების სახელია.

ხომ უარესი დღე დაადგებოდა საბრალოს და საქმეს მაინც არა დააბრკოლებდა. ვადაწყვეტილი საქმე იყო, რა-კი ვადაზე ფულის შოვნის იმედი არ ქონდა ტუტუს, ან წინდაწინ უნდა გაეყიდა ხარები და იაკობა უნდა დაეკმაყოფილებია, ან იაკობასთვის უნდა შეენარჩუნებია ისინი, პირობის ძალით. ამ სახით, ასე თუ ისე, თავის საყვარელ ხარებს მაინც უნდა გამომშვიდობებოდა... მართალია, რაღაც იმედი გაუზიარა მას ცოლმა, რომ ის აბრეშუმს მოიწვედა, და, თუ გაქირდებოდა, ამ საშვალეებით დააკმაყოფილებდა ვაქარს, მარა ეს იმედიც იმგვარივე იყო, როგორიც სიმიდის მოწვევით ებადებოდა ტუტუს.

ერთ დილას, ტუტუ და მისი ცოლშვილი იაკობას დუქანში ვაქრობდნენ. იაკობა დაფუცურებული იყო, თითქოს ეს გემრიელი ლუქმა მადიანათ უნდა მიირთვასო და ასნაირათ აქებდა და აღიდგებდა საქონელს:

— „ეს შევნიერო შალია, შენ ნუ მომიკვდები, დიაგონალის შალია. ახლა ესაა მოდამი? იფ-იფ-იფ! შეხედე-შეხედე, შორიდან შეხედე; ძვირფასია, ძვირფასი, თუ ფასში მოვრიგდით.—ეს სულ ახალ-მოდის შალია, უჩიტლის ცოლს მივიყიდე გუშინ, ორ-ნახევარი მანათი დავაწყობიე არშინში... კიდევ არის შალები: აი ფერადი, შავი, წითელი... ამას შეხედე—ამას, რა აბრეშუმის ლენტები მიუყობა იის ფერ მიწაზე!... საიუბკე აბრეშუმში, თუ გინდათ, შეხედეთ, რამდენ ნაირი მაქვს! რომელიც გინდათ, ეირჩით, მარა იცით, ერთი მაქვს თლათ ძვირფასი, თუ ფასს გეიმეტებთ, ნაჩალიკის ცოლს ეკადრება სწორეთ: ბიის ფერია და ცისარტყელასავით ფერადი ფართე ზოლები მოუყობა; აი, შეხედე, რა ტყავივით მაგარია; ხელი მოკიდე—ხელი; ამის შრიალს ნახევარ ვერსზე გვიგონებს კაცი, ამას შავი კრუჯოვო მოუხდება—არშინი ექვს შაურიანი... სხვა, რაც გინდათ, ყველაფერი მაქვს: სარუბაშქე აბრეშუმები და ქისები, საბილიო პრიკლები, ახალ-მოდის ტუფლები, თავ სახურავები და, რაც საჭიროა, ყველაფერი მაქვს; ოღონდ ფასში მოვრიგდეთ და

ისეთ საქონელს გაკატანთ, მე და ჩემმა ღმერთმა, რომ აღდგომას ამგვარები არავის ეცვას“.

ტუტუ ერთ კუთხეში მიმჯდარიყო დაღონებული და დაღერგილი. ის გამწარებული ღაღადა ეწეოდა ჩიბუსს, თუთუნის ბოლში გახვეულიყო და გულის ძვერით შეეყურებდა ამ უთავბოლო ვაქრობას. მართა და ცირუ-კი ბეჯითად ათვალეგრებდნენ საქონელს, გადადიოდნენ ერთიდან მეორეზე, ზოგს რაღაც წუნს სდებდნენ, ზოგი მოსწონდათ და ზოგისა-კი ფასიც ემეტებოდათ. მარა ბეჯითად ვაქრობისა ეშინოდათ, რომ იაკობას ხელ-ცალიერი არ გაეტუმრებია ეს უფულოთ შემობრძანებული მუშტრები, რომელთაც საქონლის, არც ღირსებისა გაეგებოდათ რა, არც ღირებულობისა. ერთხელ კიდევ ჩაულაპარა ცირუმ ყურში მართას: — „ამდონს, რას ევაქრები, რა ხელათ ფულს აძლევ, თუ იცი! გადააქრევენ და ის იქნებაო“, რის პასუხათ მრისხანე თვალევი გადაუბრიალა დედამ შეილს; მარა არც ერთი ესენი საჭირო არ იყო იაკობასთვის; მას ისედაც შევნიერათ ჩაეხედა თავის მუშტრების გულში და გადაწყვეტილიც ქონდა, რომ ამ შემთხვევით დიდათ ესარგებლნა... რითაც იყო, ვაქრობაც გათავდა. იაკობამ, თვის პატიოსნების დასამტკიცებლათ ერთი ადლი ჩითი გადაუქრა მუშტრებს საჩუქრათ. გამოუხვია იმაში ორმოც და ხუთი მანათის ნავაქრი და გაისტუმრა.

სამში მხოლოდ ერთი იტანჯებოდა და ეს იყო ტუტუ. მას არა თუ ტანჯავდა ის, რომ უშველებელი ვალი დაიდვა, ზნეობრივათ ტანჯავდა ის ვარემოვბაც, მას რცხვენოდა არა თუ ხალხის, თვის საკუთარი თავისა-კი, როდარიბ-ლატაკმა, რომელსაც დანარჩენი შვილები პერანგის ამარა დაუდიოდა და, რომელიც ხშირათ კარს მისდგომია მეზობლებს ლუქმა მქადისთვის და შეხვეწია: — „მიშველეთ, ხელი მომიმართეთ, მასესხეთ სიმიდი და ბაღნების ცოდოს ნუ დამადებთო“, — დღეს ძვირფას ტანისამოსს უკერავდა ქალიშვილს, თუმც მისი ქონებრივ მდგომარეობა არაფრით წინ არ წასულიყო. ეს უკანასკიელი მოსაზრება

უფრო უკლავდა გულს, ვიდრე პირველი, თუმც არც პირველი იყო მასზე ნაკლები და ორივე ერთად დედამიწასთან ასწორებდა საბრალო ადამიანს... სამაგიეროთ, დედა შვილი მეტათ კმაყოფილნი მოდიოდნენ და, რამდენადაც ტუტუს სურდა დავალა შათი ნავაჭრი, არ გამოეჩინა სირცხვილის გამო, ორი იმდენამდის ცოლ-შვილს უნდოდა გამოეჩინა, ქვეყნისთვის ეჩვენებია, დაეხარბებია მეზობლებისთვის და მითი ეამყნათ. მართლაც და, რათ დამალვებოდა ის, რაც დასამალავათ არ მიაჩნდათ?.. მთელი ორი სამი დღე მოდიოდნენ მეზობლის ქალები ტუტუს სახლში, რომ ენახათ მართა და ცირკუს ნავაჭრი; დედა და შვილი-კი კმაყოფილებით უხედებოდნენ სტუმრებს და თავი მოწონდათ კიდევ, რომ ყურათაღება მიიქციეს; ისინი შლიდნენ ნავაჭრს, აწყობდნენ ცალ-ცალკე, ასინჯინებდნენ მნახველებს და სწორეთ იმ ქება დიდებით იხსენიებდნენ თავიანთ ქონებას, როგორი ქება-დიდებათაც ის იაკობა ვაჭარმა მათ მისაღა. მეზობლის ქალებს ძალიან მოეწონათ ყველაფერი და, უკეთ რომ ვთქვათ, შეეხარბათ კიდევ. ისინი არ მალავდნენ თავიანთ ქმრების სიძუნწეს და ავათაც იხსენიებდნენ მათ, რადგანაც ამგვარი რამეები ჯერ იმათ არ ღირსებიათ... ამ ამბის გამო, ტუტუს მეზობლობაში ერთი აურზაური იდგა: ზოგისა ცოლი კაპასობდა და ანჩხლობდა, ზოგისა იბუტებოდა და უსიამოვნებას ამხადებდა და ზოგი, რას და ზოგი რას არ ჩადიოდა, რადგანაც ღარიბი ტუტუს ოჯახი გაეხარებია სააღდგომოთ და ისინი-კი ამგვარ რამეს არ მოელოდნენ.

არც მიხეილი კონწარისა სახლში იდგა კაი ამბავი. მისი ქალიშვილები გულაწყვეტილნი წუწუნობდნენ და უკმაყოფილებას უცხადებდნენ მშობლების გულგრილობას, მათი გამოწყობის საქმეში.

— ღმერთო მოკალი და ვიყო! რაც რომ ერთათ მექმევა ტუტუ კაკაჩიას, მისი ფასი, ან ერთი ჯიბიდან ამოყობა, ან მეორიდან მამაჩემს და იმ ვომბიო ძღაბს, რომ უყილია, მის საღირველი ჩვენს ოჯახში ჯერ არა-

ფელი შემოსულა. სიკვდილი რავა არ მიჩენია ამას, რომ ტუტუსა ცირკია აღდგომას გაწყობილი აბრეშუმის იუბკით, დიეგენის კაბით, აბრეშუმის რუბაშკით, მოქარგული თავსახურავით და მალაქუსლიანი პოლისაფოშკით დაბრძანდებოდეს და მიხეილი კონწარის ქალიშვილი უბრალოთ ჩაკმული დაჩანჩლობდეს!.. ვინ უნდა მეითმინოს აგი—ვინ?—ამბოდა უფროსი ქალიშვილი.

— ჰო და ის არ არის? გაჯინიანებულია მამაჩვენი!—თავს ნუ ეიშვებთო; მე უკეთ ვიცი, როდის, რა გინდათო... ბძანებს დიდი ამბით და ახლა შეხედოს ტუტუის გოგოს! მალაღურივით გამოწყობილი გამობძანდება აღდგომა დილას და ჩვენ-კი ყურებ-ჩამოყრილები ვიტანჯებით.—დასტური მიცა უნცროსმა.

— მაგას ვერ შევითმენ წორებით! თავი არ მინდა ცოცხალი, თუ აღდგომას ცირკუს უარესათ გამოვითი!... ვარგებულა საწყალი მართაია, რომ დაუფაცურებია ქმარი... ორ დღესაა სიცოცხლე. „თვალი ჰმას, თვალი სვამსო“—იტყვიან. თუ ამ ტანჯვაში ჩავძალდებები, მერე, რათ მინდა კაბა, ან რამე?

— წორეთ კოჩალი ქალია მართაია; ემისანა უნდა ქალი, რასაც უბძანებს იმას აქნევიანებს ქმარს. ცხვირიდან მმარს ადენს უბედურს, რომ ერთი ვარი უთხრას რამეში... დედა ჩვენი საწყალობელი ადამიანია; რაც მამას სურს, იგი უნდა იმასაც და იმიზა, რომ გახარებული ვყავართ.

— ამის მოთმენა წორებით არ შემძლია; რაც გინდა დემემართოს, მაინც არ შემძლია... ამაღამვე გამოუცხადებ დედას, რომ უნდათ, თუ არა, უთუოდ უნდა გამომაწყონ ცირკუის უკეთესათ... თუ არა და თელ ოჯახს შევაწუხებ, არც არსათ გარავალ და ცინცხალ აღდგომა დღეს ტირილის მეტს არაფელს გავაკეთებ... ოჯახს შევაწუხებ და თავსაც შევიწუხებ.

— მეც ავრე ვიზამ წორეთ.

— ჰო, შენ რაო ახლო?

— ჰო—მე რა,—რა ყოფილა? მე ვინ ვარ, თუ იცი?

--- ვინ ხარ და უნცროსი ხარ; ჯერ მე უნდა გამოვეწყო უფროსი და შენ მერც მოვესწრები.

--- როის მოვესწრები, ქალო—როის?— თვალ-კრემლიანმა, კითხა უნცროსმა.

--- როის და მერც.

--- მერც, რა ყოფილა!... უნცროსი რაიაო... ერთი წლით ვარ... შენზე... უნცროსი... მე ყველა მიგდებს... ყველა ჩემი ბატონია... ახლა... ახლა ამანაც დამიწყო... შენ არ გამევეწყოვო... თავს მევეკლავ—ღმერთმანი—თავს... დაიწყო ქვითინი უნცროსმა და ცხარე ცრემლები გადმოუშვა თვალითაგან.

ვინ იცის, სანამღი გაგძლდებოდა მათი დავა—ჭირვეულება, რო ქისკრის ჭრილს არ გამოეფხიზლებია დები... მიხეილი დინჯათ მოდიოდა შინისკენ, რამაც დაატრთხო და სხვა და სხვა კუთხით გაისტუმრა უკმაყოფილო პირები.

მიხეილ კონწარია მართლაც რო შეძლებული გლენ-კაცი იყო სოფლის პირობაზე: მიწა-წყალი საკმაოთ ქონდა, კაი ოდა-სახლი ედგა და ყოველისფრით გამოწყობილი ოჯახის პატრონი იყო... თუ ვინმე უცხო კაცი, ან მოსამსახურე პირი ესტუმრებოდა სოფელს, ბინა უსათუოდ მიხეილის სახლში უნდა ქონოდა, რადგანაც სწორეთ საკადრისათ მიიღებდა ის... ახლაც იყო მის სახლში სტუმარი—სანდრო სახათია, შუა-ხნის კაცი, ცოტა ნასწავლი, მარა უფრო გავითარებული და ცხოვრებაში გამოცდილი. მიხეილს სანდრო „მოძრაობის“ დროს გაეცნო და ნათესაური კავშირით დაახლოვებოდა—შვილის ნაცვლათ მოეგო და მახე დაყენებული თმა „მოგედებინებია“—*). სანდრო მეტათ ჩინებული კაცი იყო და კარგადაც ესმოდა „მოძრაობის“ დროის სხვადასხვა პარტიების პროგრამების აზრი, რომლებშიაც ზოგი ერთისა მოწონდა და ზოგი მეორისა, მარა არც ერთ „პარტიაში“ მონაწილეობას არ ღე-

*) სამეგრელოში ახლაც კაი პატივდება ში, მგლოვიარობის დროს, თმა და წვერის დაყენება და, ვისაც თმას „მოგედებინებენ“, ის მისვალეხულის ადგილზე ითვლება.

ბულობდა. სანდროს არ მოწონდა ზოგიერთი ს. დ. წრეში მომუშავე პროპაგანდისტების სიტყვა-მოძღვრება და ხშირათ იტყოდა: „ეს ჩვენი პროპაგანდისტები ისეთს მიმართულებას ადგანან, რო სხვა არა იყოსრა, არ შეიძლება თვით ხალხის წყრომა აიცილინონო.“ სამაგიეროთ, არც სანდრო მოსწონდათ პროპაგანდისტებს და მარჯვე დროს ეძებდენ მის დასაღუპავათ, თუმც აშკარათ ვერას უბედავდენ, რადგანაც ხალხს უზომოთ უყვარდა და იცავდა კიდეც სანდროს. სანდრო წრფელის სინდისით გამოდიოდა სამოღვაწეთ, მას არ აწუხებდა კერძო ინტერესები, ის ყოველთვის საზოგადო ინტერესებით იყო გამსჭავლული და მომეტებულათ ს. დემოკრატიული პროგრამის ეკონომიურ ნაწილს აქცევდა ხალხის ყურათღებას... ის აშკარათ ამზობდა და ცოცხალი მაგალითებითაც ამტკიცებდა, რო რომელ საქმეშიაც შური, პირადი ინტერესები და ვეცხლის მოყვარეობა გაერევა, იმ საქმის ბოლო კეთილი არ იქნება და ასეთი მიმართულება ხალხსაც დაღუპავსო... რაც გინდ აჯანყებულ—აბოზოქრებულ ხალხში გარეულიყო, რაც ხშირათ ხდებოდა ხოლმე კერძო და საზოგადო საქმეების გარჩევის დროს, მისი მიუდგომელი და საზრიანი მსჯელობა ნათელს ფენდა საკითხს და ხალხს აშვიდებდა, რის გამო მას, ნასწავლის გარდა, ჭკვიანის სახელიც დაუვარდა ხალხში.

მიხეილი და სანდრო რალაცაზე ლაპარაკობდენ, როცა მიხეილის ცოლმა მოიტანა ამბავი ჩვენგან კარგათ ცნობილი საქმის შესახებ. მიხეილს ეს უზომოთ ეწყინა; ის უცბათ აენტო და მოინდომა უკმაყოფილებიგან ოჯახის დაცვა, მარა შეაჩერა სანდრომ. — „მოითმინე, — დინჯათ უთხრა მან, — ახლა შენ გავიცხებელი ხარ; ზომაზე მეტათ გაწყრები და, შეიძლება ისეთს საშვალეხას მიმართო, რაც ოჯახისთვის არ ვარგა; გაიაროს ჯერ პირველმა გულისწყრომამ და, რასაც მეორეთ მოისაზრებ, ის უფრო სასარგებლო იქნება.“

--- რავე! ღმერთო მომკალი და ვიყო! რაც ტუტუ კაკაჩიას მთელ ოჯახს უნდება წელიწადში, იმდონი მე ღორების სარჩოთ არ

მეყოფა და იმის ოჯახმა უნდა ასწავლოს ჩემს ოჯახს, როის, რა იყიდოს?

— გეყოფა მიხეილ სიფიციხე. იმ კაცს უნდნო სკინი სიღარიბეს; სიღარიბე არავის უნდა დაეცინო და არც სიმდიდრისთვის უნდა გაეგო ვინმეს ფეხ-ქვეშ... ქალიშვილები როგანაწყენებულან, ეს ახალგაზღვრი გატაცების საქმეა... მოზგონე შენი ახალგაზღვობაც და ასეთ შემთხვევაში, რას შეეძლო შენი დამშვიდება, ის ზომები იხმარე შენი ოჯახის დასამშვიდებლათაც. — ტკბილათ შენი შინა მიხეილს სანდრომ.

— რაფა! მე არ ვყოფილვარ ახალგაზდა?

— ყოფილხარ და იმას გეუბნები მეც. მარა ამაზე შემდეგ ვილაპარაკოთ. ახლა სხვა რამე მსურს გითხრა და ცოტა ხანს ყური მათხოვე. ქალიშვილებსაც დაუძახოთ... აი, ისინიც აგერ მოდიან და ყურს დაგვიგდებენ... ჩვენი ხალხი ამბობს: — განაგრძო სანდრომ, — „აღდგომამ შობას გადმოძახაო: — „ჰატ, შე მემძორეო“*), შობამ გასძახაო: — „ჰატ, შე მექინჯეო“. — ეს თქმულება ხალხის ცხოვრებიდან არის აღებული. მართლაც, არ იქნება ისეთი ოჯახი სამეგრელოში, რომელიც საშობოთ ღორს არ ასუქებდეს. დიდი და პატარა აღტაცებით არ მოელოდეს შობის გათენებას!.. ვინ დაეძებს ახალ ტანისამოსს და ძვირფას სამკაულებს, რომლითაც მეგრელს ძალიან უყვარს თავის მოწონება!.. სამაგიეროთ, სააღდგომოთ სულ სხვა სურათი იხატება: არ იქნება ვინმე ისეთი ღარიბი, რომელმაც ახალი რამე არ ჩაიცვას... განსაკუთრებით, მანდილოსნები და ქალიშვილები დიდს ფაცაფუცში არიან; მათი სურვილი ისაა, რომ ერთი მეორეს გადააჯობონ ჩაცმა-დახურვაში...

— მერე კაია ეს? — გააწყვეტია სიტყვა მიხეილმა; — კაია, როგორ ვაჭირვებულ ტუტუს ორმოცდა ხუთი მანათის შალ-აბრეშუმობა უყვლიდა და ხარები დაუგირავებია?.. ხვალ-ზეგ მე მომადგება და დემელორჯება: — „სიმინი მასესხე, ბაღნებს სიმშლით ნუ მომიკლავო“. —

*) მებორცე, მესისხლე.

ჰაი, ერთს ვნახედე, საყვარლო, რაფა ვიცხონებ მაშის სულს!

— მოითმინე, კაი რაფაა?.. მარა მე ვამბობ ხალხის ზნე-ჩვეულებათ. ხალხს თითო ჩვეულება უნდა ქონდეს და აქვს კიდევ. ამგვარი ზნე-ჩვეულება დღემდის ვნებას არ იძლეოდა. ქალები რაღაც-რაღაცებზე თითონ შოთლობდენ თითო-ოროლა გროშს და არა თუ ეს ყოფნიდათ, ქმარ-შვილსაც მოსავდენ თავიანთი შრომით და ეს ძალიან კაი საქმეა. ნაშრომის რიგინათ მოხმარება, თუ იცა, აღდგომა აღდგომით იყოს და ჩვეულება ჩვეულებათ... მარა უბედურება ისაა, რომ ამ ჩვეულებამაც რაღაც სხვანაირათ შეისხა ახლა ფრთები; თვითცნობიერება დაიკარგა და რაღაც შეუსაბამო აზრი დატრიოდა ხალხში... ეს ამბავი ტუტუს ცოლ-შვილს მოგაყოლეთ; ახლა იმათ არ გონიათ, რომ აღდგომა მართო მათთვის არ თენდება! — დალოცვილები! გაუგონიათ, იცვამენო და სახლისთვის საძირკველი გამოუნგრევიათ, ოჯახი დაუქცევიათ და კაბა უყვლიდათ!.. ამას მართა იზამდა, მისი ურცხვი თავხედობის ბრალი იქნებოდა ეს, მარა ინანებს ბოლოს... ოხ! რამდენი ოჯახი ამოწყვეტილა ქალების უთავბოლოობით; რამდენი ოჯახი ტირის დღეს იმათი მიზეზით და ვინ იცის, რამდენ კერას დაესხმის ცივი წყალი იმათის ბრალით? — ესეც არ იყოს, სოფლის გოგო, როგორ ძვირფას კაბას ჩაიცვამს, მას შესაფერი ხელპირიც უნდა ქონდეს და, როგორც მე, ან ცეცხლმა არ დაწვას, სულ თავის დაცვაზე უნდა ფიქრობდეს; გარდა ამისა, საჭიროა, რომ ეს ტანისამოსი ხშირ-ხშირათ ჩაიცვას და აქვს ღრო, თუ არა, მაინც გაიარგამოიაროს; ერთი სიტყვით, საჭიროა უქმობა, რასაც თან მოსდევს სხვადასხვა გვარათ აღმძვრელი ოცნებები, ამას-კი სიცილ-ტირილი და ხშირათ მთლად დაღუპვაც. მერე, ვისთვის უნდა შეინახოს სოფლის გოგომ ასე თავი? ერთ დღეს ხომ გლეხის ოჯახს უნდა მოხედდეს? კი — და სწორეთ აქ ამოდის ეკალი! ნუ გგონია, რომ რამეში ივარგოს ასეთ თავნება ქალიშვილმა! დაიწყებს პრანქვას, მანქვას, ქმარ-შვილს თავს შეაძულებს და ოჯახს და-

ლუპავს და, თუ იმასაც მივაქცევთ ყურათღებას, რომ ასეთს ოჯახებში შეილება დედის ემსგავსებთან, ცხადთ წარმოგვიდგება მომავალი სურათი ჩვენი გადაგვარებისა... საცოდლო ტუტუ! რა შავი აღდგომა გავითენებია, შე უბედურო!

— ტუტუ შესაბრალებელი არ არის; ახია იმაზე, რაც მოუვა!— გულგრილათ თქვა მიხეილმა, იმისანა მამული აქ ორ გლენჯაკსაც არ ქონდა; სუყველა მიყიდ-მოყიდა; ხარები ყავდა და ძროხები, სულ სავსე ოჯახი დოუტოვა შამამისმა და ახლა დედალიც არა ყავს—დედალიც. მიყო, ბატონო, ხელი და სულ იმ დედაკაცს შიაქამა. სანამ რამე გააჩნდათ, ყოველ დღე ლხინი ქონდათ; დეიარებოდენ, ბატონო, ყმაწვილები, იყო ერთი ცეკვა-თამაში და ორ-სამ წელში განიავეს ყველაფერი. მერე სხვისი მიწის თონხაც-კი დეიწყო და ყოველწლობით სიმშობა ქონდა ოჯახში. წროულს კი საყანები ეილო და ყველა იმას უნობდა: „ტუტუმ შეიმართა ხელი და სიმშობი გადიგდოვო“ და ეს, თურმე, ამოსაწყვეტათ მიუჩენია ღმერთს: ხარები დოუგირავებია. ყველაფერი მინახავს და გამიგონია და ხარების დაგირავება ჩემს თვალებს არ უნახავს!.. ტუტუ უნდა მოკვდეს, ჩაძალდეს, სიმშობით უნდა ამოძვრეს სული!

— ნუ სჯი მაგრე მრისხანეთ, თუ ღმერთი გწამდეს, მიხეილ; ეს საცოდობაა! ტუტუს და მის ოჯახს მეც კარგათ ვიცნობ; ტუტუსთანა ჭკუიანი კაცი ორიც არ ურევია მახლობლათ. მარა დაღუბა ცოლმა, სწორეთ იმან დაღუბა... ტუტუ პირდაპირ შესაბრალებელი კაცია და კიდევ უნდა შეიბრალოთ მეზობლებმა.

— ჰაი, იმდონი შეიბრალო ის მისმა სალოცავებმა და მისმა მიქელ-გაბრიელმა!.. რას ბძანებ, სანდრო, ტუტუ განა შესაბრალებელია?

— სწორეთ ახლა, თუ ოდესმე იყო შესაბრალებელი, ახლა მეტია.

— არა, მას ისე მიყავს თვისი საქმე, რომ იმის შებრალება ცოდვია, ღვთის გმობაა...

— კაი, მარა შენ-კი გჯერა, რო ტუტუს უნდოდა ხარების დაგირავება?—გააწყვეტია სიტყვა სანდრომ.

— თუ ზრ უნდოდა, ვინ დოუქეტა პირი? ვინ ყავდა უფროსი?

— საქმეც ის არის, რომ უფროსი ყავდა და იმისთანა უფროსიც, რომელსაც არავითარი სამართალი არ გააჩნია...

— რაც მართალია—მართალია. ტუტუ ყოლიფერში მტყუნანია. რავე ვერ გააკლონა თვის ოჯახში საქმე, რო ცოლ-შვილი დემორჩილებია?

— ნუ გამიწყრები, ჩემო მიხეილ, და შენ მაგ საქმეში გამოკთილი არ ყოფილხარ... შენ რო ღვთისმოწყალება ცოლი შეგხვედრია და ნამდვილი მეუღლეობა გაუწევია შენთვის, ამას შენ კი კაცობას ნუ მიაწერ. ის ღმერთს ჭკუაგანებით დაუჯილდოვებია, მარა ამისთანა ასში ერთი გამოყრევა—პატიოსანი ადამიანი... შენ ძალიან მოგწონს თავი. მარა ტუტუს მართასთანა ცოლი რო შეხვედროდა, სწორეთ შენც ტუტუს დღეში იქნებოდი ახლა.

— ისეთს დღეს დავაყენებდი საცოდავს, რო სულ დედის სული ეფიცა და ერთიც არ გადასულიყო ჩემს ნებას.

— ჰო და, რაც არ იცის კაცმა, ყოლიფერი ადვილი გონია!.. ერთ დროს მეც ასე მეგონა, რო თავიანი მამა-კაცი ცოლს არ გაუშვებს თავის ნებაზე-მეთქი, მარა დაგრწმუნდი, რო შემცთარი ყოფილვარ. უხასიათო ქალის დამორჩილება ადვილი საქმე არ არის. თუ ადამიანი ცუდათ არის აღზდილი, მას უხასიათობა ჩვეულებათ გადაექცევა და ჩვეულებათე ნათქვამია, რომ ის ადამიანისთვის მერე ბუნება არისო... უხასიათო ცოლი ადვილათ დამორჩილებს პატიოსან ქმარს; კაცს ერთხელ არის მოწყინდება განუწყვეტელი უკმაყოფილება—უსიამოვნება და გულდაწყვეტილი იტყვის: „დალახვროს ღმერთმა, თავი მომბეზრა ამდენმა ვაი-უბედურობამ, დეე, რაც მოხთება,—მოხთეს, ოლონდ ნაღველი არ გამისკდესო“. მარა ასეთი აზრი ერთხელაც არ მოუვა ზნე-წამხდარ ქალს. ის სულ იმის ცთაშია, როგორმე თავისი გაიყვანოს და ამ

აზრს ის ვერ უღალატებს, რაც გინდ ამით დამცირება მოელოდეს.

სხვასთან ვერ გაუვა მართას ეს, მარაკი იცის, რომ ტუტუსთანა სუსტ კაცთან აქვს საქმე და იმიზაა, რომ თავი ეიშვა.

— ამასთან ისიც იცის მან, რომ ოჯახსაც სასტიკათ მტრობს, რაც აღრე, თუ გვიან მასვე თვითონ დაატყდება თავზე. მარა, რატომ იმაზე არ ფიქრობს, რომ თავის თავს მაინც არ უმტროს? არა, ეს სულ ერთია, სუსტი, თუ კონალი ვინმე სხვა... უხასიათო ქალს მოსაზრება დაღატობს, ის ყოველ კეთილ აზრებს მტრობს, სდევნის; მას მხოლოდ ის სწამს, რაც თვითონ მოდის ჭკუაში და ვერც დააჯერებ, რომ ის სათაკილო ხასიათზე აღვას... ამაზე შეტის თქმა არც-კი ღირს, მარა, გატყობ, რომ კიდევ არ გჯერა, იმიტომ რომ მართას გვერდით არ ცხოვრობ და სწორეთ იმიტომ არ შედინხარ ტუტუს მდგომარეობაში.

— რა თქმა უნდა, კიდევ არა მგონია, რომ ტუტუ დამნაშავე არ იყოს.

— ხო გითხარი: ეს იმიტომ არის, რომ მართას გვერდით არ ცხოვრობ. რაც გინდ იძახონ: „თაფლი გემრიელიაო“, ამით შენ იმის გემოს ვერ იგრძნობ; თუ გინდა გემო ნახო, უნდა ჭამო...

მიხეილი ჩაფიქრდა. მას რაღაც უცნაურათ აეხილა თვალეები და შეინანა კიდევ, რომ დააყვედრა, თუ რამე სიკეთე მიეზლო ტუტუსთვის; მის გულში სიბრალულის გრძნობამაც იჩინა თავი ამ უჩინარი მტრისგან დაჩაგრული აღამიანისადმი... ის კარგა ხანს იყო ჩაფიქრებული და შემდეგ მიუბრუნდა ცოლს: — „აბა, დიასახლისო! მუსაიფი კია. მარა, ხო იცი, რომ ვახშამიც გვინდა.“ — დიასახლისმა თვალით ანიშნა ქალიშვილებს და ისინიც შეუდგენ ვახშმის მზადებას.

კირილე წუთისაფეჟელი.

(შემდეგა იქნება).



დაღუპული ოჯახი.

(დასასრული).

სალომე და მისი მეზობელი ქალი, რომლის შვილიც სალომეს შვილთან ერთად მოეკლათ ომში, ხშირათ მიდიოდნენ ერთმანეთთან და ცხელი ცრემლით ტიროდნენ. იმათი მოთქმა მთელ სოფელს მოსვენებას არ აძლევდა. თუ ვინმე სალდათის სიკვდილს გაიგონებდნენ, ერთ-ორს ძალიან შეკვივლებდნენ, მარა, მერე იტყოდნენ: მარტო ჩვენ არა ვართ ასეთი უბედურებიო. ამ წყევლმა ომმა ჩვენი ქვეყნის ნახევარი დედები მაინც გააუბედურა და იმ უბედურებაში ჩვენც ურევიაართო.

ერთ დღეს, საცოდავი სალომე გადმომოჯდარიყო ეზოსთან შემადლებულს აღვიღწე და ცხარე ცრემლებს აფრქვევდა. მოთქვამდა თვის შვილს, უბედურ ოსიყმას ტიროდა. როცა გაათავა, ცრემლები ამოიწმინდა და ეზოსკენ ჩამოვიდა. ვიღაც სახლისკენ მომავალი, სალდათის ტანისამოსში გამოწყობილი დანიხა; ძაღლმა შეუყვება, სალომე ძაღლს გაუჯავრდა: აქეთ, შე ოხერო, ვიღაც სალდათია, მგონია და ეგებ ჩემი შვილის ამბავი მითხრას, მიწას მაინც თუ მიბარესო. სალდათი ეზოში ღიმილით შევიდა, სიამოვნებით სალომემ თვალი ვერ გაუჩერა, ქვითინი წასკდა. მოაგონდა შვილი. სალდათმა მხიარულათ შეუძახა: დედა! ჩემი მოსვლა ხომ არ გეწყინა, რომ მიღრუბლულხარო?! სალომემ შეხედა, ოსიყმაიო, დიძახა, შეკვივლა და მეტი სიხარულით გული წაუვიდა. გოგია მივარდა და ძმა გადააკოცნა. მერე სალომესაც გული მოუბრუნდა და შვილს გადაეხვია, თან ტიროდა სიხარულის ცრემლებით და თან მხიარულობდა. მოიყარა მეზობლებმაც თავი და შეიქნა ერთი მოლოცვა; თან გაკვირვება და თან მხიარულება. ოსიყმა ამბობდა: ავთამყაფობის მიზეზით ორი თვით გამთავისუფლესო. მისი გამოტირილის ამბავს, ერთხანს უმაღლედნენ, მარა, მერე, თვითონ გაიგო და არ მოჩვენებია შესაშინებელ ამბავს, რადგან ომში მას ათასგვარი მკვდრები, ტანჯვა და გასაჭირი

ენახა. მისთვის არც ტირილი, არც სიკვდილი და არც დიდი რამ წვალემა ახალი ამბავი არ იყო. ყველაფერში გამოიკადა სალდათობის დროს. ომში და ამხანაგებთან ყოფნას, ისე შეეჩვია, რომ ერთი თვის მერე კიდევაც მოწყინდა და ვადის გასვლასაც უჩქაროდა. ორი თვის განმავლობაში ისე გამომთელდა, როგორც პირველათ ომში წასვლისას იყო. სამშობლოს წმინდა ჭაგრმა და ჩვეულებრივმა სასმელ-საჭმელმა შესამჩნევათ იმოქმედა ოსიყმაზე და ახლა სრულიათ ტანმთელათ გრძობდა თავს. გამოცხადდა სახედრო მკურნალთან და შეამოწმებინა თავი. მკურნალით სრულიათ განკურნებულათ სცნო და ჯარში წასასვლელათ ერთი კვირის ვადა მიცეს.

სალომემ, რა-კი ისევ შვილის ჯარში წასვლის ამბავი გაიგო, ტირილი მორთო. ეუბნებოდა შვილს: შვილო, აწი მე შენ ველარ ვნახავო; შენ რო დმერთმა ვადაგარჩინოს, მე მაინც ველარ დაგხვდებიო. მოგხუცდი და ამდენი ტანჯვის ატანა აღარ შემძლიაო. შვილმა დედას დაუწყო დანუგეშება, უთხრა: მე იმდენი რამ ვნახე და გავიგონე ამ ომიანობის დროს, ყველა რა შენ იცოდე, ჩემს ომში წასვლას, არა თუ იწყენ, გამიპირდები კიდევაცო. ქართველები, საზოგადოათ და, გურულები კერძოათ, რომ ომში ნაქებია ვამკაცობით, შენ ჭძლიან კარგათ გაქვს გავონილიო. მერე, მე განა გურული არა ვარო? ომის დროს ვაშკაცი ომში უნდა და ქალი სახლშიო. ქალსავით, რო სახლში ვიჯდე, განა შენ ვაგინარდებო? ომით ქვეყნის მტერს ვიგერიებთ და, თუ მტერმა ხელში ჩაგვიგდო, განა სიკეთეს დაგვაყრისო? მტერმა თუ გაიმარჯვა, ჩვენი ამოწყვეტა მაშინ იქნება. მტერი და ჩვენ დღეს ერთმანეთს ვებრძვით და გამარჯვება და დამარცხება, იქეთ და, ან აქეთ ღვთის საქმეა. დღეს-კი ლაჩრობა ვაშკაცს არ შეფერისო. შიში აქ არის, თვარა, როცა თოფი გავარდება, ჩვენ, ომში შიშს სრულიათაც არა ვგრძნობთო. მაშინ სიკვდილზე აღარ ვფიქრობთ, უფრო იმედითა ვართ და გამარჯვების მოლოდინით კიდევაც ვსიამოვნობ-

თო. ოსიყმამ, ამგვარი ლაპარაკით დედა ისე დააჯერა, რო შვილის ისევ ომში წასვლაზე წინანდებულათ გულგაცეცხლებული აღარ იყო.

ოსიყმა გამოეთხოვა დედას, ძმას და წავიდა ისევ ომში. საცოდავი სალომე ოსიყმას მოსვლამ სულ გამოცვალა; დაავიწყდა წინანდელი ჯავრი და ნადველი, გამოვლილი მწუნარება. მარა ეს წამიერი შეიქნა მისთვის და კიდევ ომში შვილის წასვლამ, ისევ მწარე საგონებელში ჩააგდო. თუმცა აღთქმა მიცა ღმერთს, რა-კი შვილის ნახვა შალირსე, აწი აღარ გავიმეორებ წინანდელ სასოწარკვეთილებასო. მარა, როცა ოსიყმა მოავონდებოდა, გულზე ცეცხლი შამოენთებოდა. ამოიქვენებდა და იტყოდა: ვაი, დედაშენის მშის დაბნელებას, შვილო ოსიყმავ! რავე დუღჯერო ვინმეს, რო მოზღვავებულ ტყვიებში ერთი მაინც არ მოგხვდება... ასეთ გამწარებულ ფიქრებში, რომ იყო ერთხელ სალომე, მწერალმა მოწერილობა მოუტანა, რითაც გოგისაც სამხედრო ბეგრის მოსახდელათ იბარებდენ, რადგან წლოვანებით მეოცე წელში ჩამდგარიყო. ამის გავონებაზე სალომეს მთლათ წელი მოწყდა; რალა სახსარი ქონდა?! როგორც გოგია, ისე მეზობლის ტოლი ბიჭებიც ერთათ წაიყვანეს კენჭის ამოსადებათ. საცოდავი სალომე იქ მიიჭრა, სადაც გოგის კენჭი უნდა ამოეღო. ბევრი ეხვეწა ყველას: ერთი შვილი ომში მყავს და მეორესაც ნულა მართმევთო, მარა საზოგადო კანონი ხვეწით ხომ არ დაირღვეოდა. გოგია ჯარში გაისტუმრეს. წასვლა იმ მხარეზე შეხვდა გოგის, სადაც მისი ძმა ოსიყმა იყო. ერთი თვის მერე გოგია და ოსიყმა ერთ პოლკში მსახურებდენ. ორივემ დედას წერილი მიწერეს: ჩვენ ერთათ ვართ და შენ ნულა გეშინიაო. ამ ამბით სალომეც ცოტათი დაშოშმინდა.

ორივე ძმები ერთი თვის განმავლობაში ხშირათ გადიოდენ სროლაში, რალაც ღვთის წყალობით უვნებლათ ბრუნდებოდენ.

ერთხელ, გოგიამ შეამჩნია, რო ტელეგრაფის ბოძზე ვილაც მალლა აღიოდა ხოხვით, გამოიჩინა გულადობა, მივარდა, ჩამოაოორია, წავლო კისერში ხელი, დაიჭირა და უფროსს

მიგვარა. ეს კაცი გერმანელი აღმოჩნდა, რომელსაც მათულების გადაჭრა სდომოდა. ამ ყოჩაღობისთვის გოგიას „ზა ხრაბროსტის“ შედელი მიცეს.

ცოტა არ იყოს, ოსიყმა გული დაწყდა, მარა იფიქრა: თუ დამჭრეს, მე უთუოთ ჯვარს მომცემენ, როგორც მეტს ნაშახურსო. მეორე დღეს ორივე ძმები სროლაში გაიყვანეს. ერთხანს თხრილიდან წარმოებდა სროლა, მარა, როცა ძლევა არც ერთი მხრიდან აღარ ჩდა, უფროსმა ჯარს ბძანება მიცა, თხრილიდან ამოიჭრენ, შეუტეეს მტერს და შეიქნა გულის შემზარავი ხელჩართული ომი. კაცის თვალი მის უსასტიკეს ბრძოლას ვერ ნახავდა. ვინ აწერს, რამდენი ვაშკაცის მკერდიდან სისხლი იღვრებოდა!.. ჩვენს სალდათებს ყირამალა გადაქონდა ხიშტებით მტერთა ვაშკაცნი, მარა არც ისინი აკლებდენ ჩვენებს ხელს. დასცეს აქიდან გულშემზარავი კიჟინა, შეუტეეს სამკვდრო-სასიცოცხლო უკანასკნელი ძლიერებით. ბოლოს და ბოლოს, მტერმა იბრუნა პირი, გაიქცა და ჩვენი ჯარი დაედევნა. რამდენიმე „პოზიციები“ წაართვეს და დაბრუნდნენ უკან. დაუწყეს დაჭრილებს თავის მოყრა; საწყალობელი გოგია გადარჩენილიყო, მარა ოსიყმა არსად ჩდა. ბევრი ეძება გოგიამ დაჭრილებში, მარა ვერსად იპოვა. მერე, მკვდრებში დაუწყო ძებნა, ეგებ მკვდარი მაინც ვიპოვოო. ბევრი მკვდრები მილაგ-მოაღვა იქით-აქეთ და, ბოლოს, მიაგნო ერთ ადგილს. სიცოცხლის ნიშან-წყალი ეტყობოდა ცოტათი. მოიდვა ზურგზე, იმდენი ათრია, რო საიმედოზე გამოიტანა. დაუწყეს მკურნალებმა სინჯვა. ამოჩათა, რო მარცხენა ფეხში და მარჯვენა ხელში ყოფილა მძიმეთ დაჭრილი. გულისა და მაჯის სრესით და წვეთების ძლევიტ ცოტათი მობრუნდა, შეუხვიეს კრილობა, დააწვინეს საკაცებზე და ლაზარეთში გაგზავნეს.

რამდენიმე ხნის შემდეგ, ოსიყმა შემობრუნდა, მარა ვაი იმ შემობრუნებას! ერთი ხელი და ერთი ფეხი მოეკრათ და ორი ღლიავის ჯოხებით ძლივს მოსიარულე სახლისკენ გაისტუმრეს...

კაი ხნის მერე, სალომეს მეზობელს ომის ველიდან სალდათის წერილი მოუვიდა: უკანასკნელი შეტაკების დროს ჩვენმა ჯარმა კარგათ გაიმარჯვაო... ღვით მე გადავჩი და ჯერ კარგათაც ვარო. სალომეს გოგია ვეღარ ვიპოვეთ, არც მკვდრებში ურევია და ვერც დაჭრილებში ვხედავთო. რაკი არსად ჩანს, უთუოთ ან ყუმბარებისგან არის დასახიჩრებული და მიტომ ვერ ვიცანით მკვდრებში და, ან ტყვეთ იქნება წაყვანილიო.

სალომე ლოყებს იკაწრავდა, მღულარე ცრემლებს ღვრიდა...

რ. სუჯავასოელი.

26 თებერვალი, 1915 წ.

რა არის ცოცხალი ორბანიში?

(სამეცნიერო წერილი)

(დასსრული).

უმთავრესათ უჯრედები შედგება ცილის-მაგვარი ნივთიერებისგან, ასე რომ ეს ელემენტი შეადგენს ამაშენებელ მასალას, ამიტომაც, ყოველ მარგებელ საქმლის უმთავრეს ნაწილს ცილის-მაგვარი ნივთიერება შეადგენს. საზოგადოთ, დაკვირვება იმს გვეუბნება, რომ ადამიანის სხეულისთვის არ არის საკმარისი და სასარგებლო ის საქმელი, რომელიც მხოლოთ ერთ-ერთს ზემოაღნიშნულ ნივთიერებას შეიცავს — მაგალითად, მარტო, ან ცილის-მაგვარ ნივთიერებას, ან ქონს და, ან შაქარს. საქმელი უნდა შეიცავდეს ყველა ამ საჭირო ნივთიერებათ პროპორციონალურათ, რო სხეულის ყველა მოთხოვნილებანი დააკმაყოფილოს.

ქონი და შაქარი ის ნივთიერებანი არიან, რომლებიც იწვიან სხეულში, იძლევიან დიდ სითბოს, ხოლო სითბო-კი იძლევა მუშაობის ძალას; ქონის და შაქრის სარგებლობა სხეულისთვის, გარდა ამისა, კიდევ ისაა, რო ეს ნივთიერებანი, თვისი თვისების წყალობით, უფრო ადვილათ იწვიან, ვიდრე ცილის-მაგვარი ნივთიერება და, ამგვარათ, ამ უკანასკნელის უმეტესი ნაწილი რჩება თავისუფალი, რითაც

მეტი მასალა რჩება უჯრედების ასაღორძინებლათ და შესავსებათ.

ადამიანის სხეული კარგავს ყოველ დღე და ღამე 4 მისხლის აზოტს და 70 მისხ. ნახშირბადს; აზოტის დანაკლისის ასავსებათ საკმარისი იქნებოდა გირვანქა ნახევარი ხორცი, მარა ამასთანავე საჭიროა 70 მისხალი ნახშირბადის შეკრებაც. ამიტომ იმ გირვანქა ნახევარ ხორცს, რომელიც საკმარისია აზოტის შესავსებათ, კიდევ ხუთი გირვანქა ხორცი უნდა მიუმატოთ, რომ საჭირო ნახშირბადიც მიიღოს სხეულმა. ამდენი ხორცის მონელება კუჭისთვის, ბოლოს და ბოლოს, ისე სამძიმო შეიქნება, რომ სხეული დასნეულდება. მარტო ჰაერით, რომ ისაზრდოოს ადამიანმა დღეში ექვსი გირვანქა პური დაჭირდება, მარტო რძით — 8 ბოთლი, კარტოფილით-კი 12 გირვანქა. აქიდან ჩანს, თუ რა უფარვისი ყოფილა ერთგვარი საკმელი და მასთან, რა საზარალო სხეულისთვის. უჯრედების და საკმლის ნაწილების დაწვის დროს ხდება ისეთი ქიმიური პროცესი, რომლის შედეგათ, გარდა სითბოსი, ჩდება ახალი ნივთიერებანი: ნახშირის სიმეავე, წყალი და მარილები,

ყოველ ჩასუნთქვის დროს, ფილტვები ივსება ჰაერით და ამ ჩასუნთქულ ჰაერიდან მყავბადი შედის სისხლში, ხოლო სისხლიდან-კი გამოდის ნახშირის სიმეავე და შედის ფილტვებში, საიდანაც ყოველ ამოსუნთქვის დროს ჰაერთან ერთათ ამოდის ფილტვებიდან. ამ გვარათ, თავისუფლდება სისხლი ნახშირის - სიმეავისგან — ამ მანე და ძლიერ მომწამლავ ჰაეროვან ნივთიერებისგან.

რამდენს უფრო მეტს მუშაობს ადამიანი, მაშასადამე, სხეულში უფრო მეტი დაშლადწვა უჯრედებისა და საკმლის ნაწილებისა, იმდენათ უფრო მეტი ნახშირის სიმეავე ჩდება სისხლში. ადამიანიც, (როგორც ყოველი სულიერი არსება) უფრო ჩქარ-ჩქარა სუნთქავს, ესე იგი, ამ აჩქარებული სულისთქმით სხეული ცთილობს, რაც შეიძლება, საესებით გათავისუფლდეს სისხლში მოგროვილ ნახშირის — სიმეავისგან.

ნახშირის სიმეავისგან სხეული თავისუფლდება კანის ნაჩერეტისგანაც, თუმცა-კი კანის ეს პროცესი, ფილტვებთან შედარებით, ფრიალ მცირეა.

მარილები ჩდება სისხლში ცილის-მაგვარი ნივთიერებათა დაწვის დროს; ეს მარილებიც ძლიერ მანეა უჯრედებისთვის, თუ რა სისხლი, რაც შეიძლება, ჩქარა არ გათავისუფლდა მათგან; შარდს განსაკუთრებით და ოფლს განუწყვეტლივ გამოაქვთ სხეულიდან და წმენდენ სისხლს ამ მარილებიდან.

თუ, რამდენათ საჭიროა და აუცილებელია სხეულის გათავისუფლება ამ მარილებისგან, იქიდანაც ჩანს, რომ, როდესაც, მაგ., თირკმელების ანთების დროს, შარდი კლებულობს, მაშასადამე, მარილები სხეულში რჩება, ადამიანის სისხლი იწამლება ამ მარილებით. რამდენათ დაწვის პროცესი ნელია, იმდენათ სხვა და სხვა მანე მარილების რაოდენობა მატულობს, იმდენათ უფრო იწამლება სისხლი ამ შლამით. ეს შლამი არის მიზეზი სხეულის დაძაბუნებისა და ნაადრევი სიბერისა. სხეულში, დაწვის პროცესის დროს, მყავბადი უერთდება რა წყალბადს, ჩდება წყალი; მარა სხეული ყოველ მუშაობის დროს შინც დიდძალ წყალს კარგავს: ყოველ ამოსუნთქვის დროს ჰაერთან ერთათ ორთქლათ ქცეული წყალი ამოდის ფილტვებიდან; რაც მეტს მუშაობს სხეული, იმდენათ მეტს ოფლს ასხამს მას, მაშასადამე, მეტს წყალს კარგავს; ამავე დროს შარდსაც უმატებს, ხოლო შარდი, როგორც მოგახსენეთ, არის წყალი, რომელშიაც გახსნილია სხვა და სხვა მარილები.

აი ამიტომაა, რომ ადამიანს ყოველ მუშაობის დროს მოდის დიდი წყალის წყურვილი; სხეულისთვის საჭიროა შეივსოს ის დანაკლისი წყლისა, რომელიც მას მოსდის ახლა. იმ ფიზიოლოგიურ მუშაობას, რომელიც თანამგზავრია სიცოცხლისთან სხეულში, რაც მეტი მოძრაობა და მოქმედება სხეულის სხვა და სხვა ორგანოებს მიემატება, რაც ნაკლები ძილი და დასვენება ექნება, იმდენათ უფრო დიდი იქნება უჯრედების დაშლა, მაშასადამე, მათი შევსებაც.

ამიტომ, რომ ახალდაბადებული და ძუძუთა ბავში დღე და ღამის უმეტეს ნაწილს ძილში ატარებენ, გამოიღვიძებენ, რომ ძუძუ მოწოვონ; ძილში მყოფი ბავში ნაკლებ ფიზიოლოგიურ მუშაობას განიცდის, მაშასადამე, უჯრედების დაშლაც ამით უფრო მცირდება. დედის რძემ, არამც თუ უნდა აღადგინოს დაშლილი უჯრედები, არამედ ზედმეტად უნდა მისცეს ამ მოზარდ სხეულს. მოზარდ ასაკში საჭიროა, არა მარტო უჯრედების სისწორის დაცვა, არამედ მათი ზრდაც. ახალდაბადებულის ტანის სიგრძე 50 სანტიმეტრია, ერთი წლისასი-კი 70 სანტ., ახალდაბადებული იწონის 3250 გრამ. წლის ბოლოში-კი 9000 გრ.

ახალ დაბადებულს თითქმის სულ ძინავს, ერთი წლისას 20 საათი, მეორე წელიწადში რომ გადადგება, 15 საათში. რაც ხანი ვადის, აღმოიანს, იმდენათ ნაკლები მოთხოვნილება აქვს ხანგრძლივ ძილში: ჰაბუკისთვის საჭიროა 8-10 საათი, ვაშაკისთვის 7-8 საათი.

რამდენათ სხეული ბერდება, იმდენათ ძალია ერთმევათ უჯრედებს, აღორძინების ძალა; მოხუცის სხეულის უჯრედები სავსებით ვეღარ ივსებიან საქმლის ნაწილებისგან.

ახალგაზდა სხეულის უჯრედები უფრო ძლიერია, სიცოცხლით და ენერჯით სავსეა, უფრო მეტს მყავ-ბადს იზიდავს და უფრო მეტი იწვის და იშლება. ყოველგვარი უჯრედი სავსებით ასრულებს თავის ბუნებრივ ნაკისრ მუშაობას და მოქმედებას; ამიტომაცაა, რომ ახალგაზდა არსება ძალღონით სავსეა, ყველა ორგანოები ძლიერათ მოქმედობენ, სხეული ყვავის ფიზიკურათ და სულიერათ, უჯრედები დიდ მუშაობას ეწევიან, დიდი დაშლაა მათი, ამასთანავე მათ დიდი ძალია აქვთ მიღებულ საქმლის ნაწილების შეთვისებისა; რამდენათ ახალგაზდა სხეული, იმდენათ ეს შეთვისების ძალია უჯრედებში დიდია; მარა, საუბედუროთ-კი, რაც ხანში შედის სხეული და ბერდება, იმდენათ უფრო თანდათან აკლდებათ უჯრედებს ეს ძალია.

სიბერე ის ხანაა ცხოვრებისა, როდესაც

სხეული უძლიერდება, ქცება, უჯრედებს სიცოცხლის ძალია თანდათან ელევათ, აკლდებათ მათ ძალია, როგორც დაშლისა, აგრეთვე კიდევ უფრო მეტათ აღორძინების და შევსებისა. მოხუცის მუსკულები გამხდარია, მოდუნებულია, ძალას მოკლებული; ძვლები თხელი, მჩატე, გამოფიტებული. განსაკუთრებით ტვინის უჯრედებია უღონო, ტვინს სიმძიმე აკლდება, ხდება უფრო მჩატე, ქუთავონებაც ამიტომაცაა, რომ აკლდება მოხუცს, აკლდება უწინდებურ ქუცის გამჭრახობა, მეხსიერება მალე ილღება გონებრივი მუშაობით; ნაზი, „კეთილშობილ“ უჯრედების მაგიერ, თანდათან უფრო მდაბიო ხარისხის უჯრედები მრავლდება ტვინში, რაც უფრო კიდევ ასუსტებს ქუთავონების ძალას...

ესეთი მდაბიო ხარისხის უჯრედები ჩდება სხვა ყველა ორგანოების უჯრედთა შორისაც; ამიტომაცაა, რომ ბებერი საქონლის ხორც, წინანდელ ნაზის მაგიერ, შეიქნება მაგარი, ძარღვიანი.

კუქის უჯრედებიც მოდუნებულია, საქმლის მონელება შემცირებულია, საქმლის ნაწილები საკმარისათ ვეღარ ვადის სისხლში, აქიდან სისხლის სიღარიბე საქმლის ნაწილებით, ხოლო ღარიბი სისხლი გამოიწვევს კიდევ უფრო მეტს სიძაბუნეს უჯრედებისას; გულის-კი უფრო ნელ-ნელა დასუსტათა ცემს და ამ გაღარიბებულ სისხლსაც-კი ისე ჩქარა ვერ აწვდენს დაძაბუნებულ და დაშლილ უჯრედებს, როგორც სიცმაწვილეში.

სიბერე აღმოიანის სიცოცხლეში ეს ღია კარებია, საიდანაც შემოდის სიკვდილი. როგორც სიბერე აუცილებელია, ისევე აუცილებელია სიკვდილი.

ტრაგიზმი ახლანდელი განათლებული ადამიანისა იმაშია, რომ ახლანდელი სიბერე, არ არის ნორმალური. ეს უფრო ავთომყოფობას წაავავს. მართლაც, სხეული, ისე აღრე ბერდება, ისე უღროოთ ეტყობა უჯრედებს სიცოცხლის ენერჯის დაკარგვა და უძლიერება, რომ ძალია უნებურათ მოგვივა ესეთი შედარება სიბერისა ავთომყოფობასთან.

თუმცა ადამიანი დღეს შეიქნა ბძანებელი მთელი ქვეყნიერებისა, მთელი დედა-მიწა გადააქცია თვისი სურვილისამებრ, დღეს ადამიანის დიდება და ძალა განუზომელია, მარა მიუხედავად ამ ბრწყინვალე მდგომარეობისა, ადამიანი არასოდეს არ ყოფილა ზნეობრივ ისეთი უკმაყოფილო, როგორც დღეს!

ჩვენ რომ ავიღოთ ახლანდელი ადამიანი და ჩაუყვიროდეთ მის აგებულობას, სწორეთ გავაცდებთ: ერთი მხრით, დიადი სულიერი და გონებრივი გავითარება, ხოლო მეორე მხრით-კი, მისი ფიზიკური და ფიზიოლოგიური სიძაბუნე—გონებრივმა გავითარებამ დათურგნა ადამიანის ფიზიკური მხარე; რამდენათაც ერთი ძლიერდებოდა, იმდენათ მეორე მხარე იზარებოდა და, ბოლოს, ადამიანი შეიქნა ცალმხრივი, ფიზიკურათ გადაგვარებული.

დღეს ადამიანის სიცოცხლე შესამჩნევთ ხანმოკლე შეიქნა; და ეს ხანმოკლე სიცოცხლევ სულ მუდამ სხვა და სხვა ავთამყოფობაში გადის. გაჩადა ისეთი ავთამყოფობანიც, რაც ჩვენ წინაპრებს არ ჩვევია, დაძაბუნებულ სხეულს ძლია ავთამყოფობამ, კიდევ უფრო დაძაბუნდა. ასეთ დაძაბუნებულ სხეულში უჯრედებს აკლიათ ბუნებრივი სიცოცხლის ძალა და, აი, ამბტომაც ასე უდროთ კარგვენ იგინი ალორძინების და შეთვისების ძალას, სხეულსაც, რასაკვირველია, აჩდება ნადრვეის სიბერის ნიშნები.

იმავე დროს, როდესაც სხეულის უჯრედების გამრავლების ძალა სუსტდება, საშვილოსნო ორგანოებს გამოაქვთ სანაშენო უჯრედები. მამრობითი და დედობრითი სანაშენო უჯრედების შეერთებით ჩდება ახალი არსება. ორმა ძველმა არსებამ შეერთებით შექნეს ახალი უფრო ძლიერი არსება.

ამგვარათ, ადამიანის სხეულის ის უჯრედები ექვემდებარებიან სიკვდილს, რომლებიც მხოლოთ ინდივიდის სიცოცხლისთვის არიან საჭირონი. ხოლო ის უჯრედები-კი, რომლებიც სახეთა გამრავლებისთვის არიან დანიშნულნი—მამრობითი და დედობრითი სქესური უჯრედები უკვდავნი არიან. კერძო პირი—ინდივიდი—კვდება, მოდგმა-კი უკვდავია.

ყოველი ადამიანი მომაკვდავია, ხოლო კაცობრიობა-კი უკვდავია. ექიმო ბადრიძე.

ჩვენი მდგომარეობა.

(წერილი პირველი).

ომი დიდი უბედურებაა: იგი უს.

პობს სიცოცხლეს მრავალ ხალხს და აყენებს ურიცხვ ზარალსაც.

მარა ომი სარკვეც არის. ის ნათლათ და უტყუარათაც ხატავს სახელმწიფოებისა და ერების ძლიერება-სისუსტეს. ის ააშკარავებს, თუ რომელი მათგანი უფრო მომზადებულია ცხოვრებაში თვისი ინტერესების დასაცავათ.

ამ მხრით არა თუ დიდი, ან *თავისუფალი ერებია განსაცთელში—მცირე და დამონებული ხალხიც იმგვარივე ტაფაში ვარდება იმის და მიხედვით, თუ სად და როგორ მოწინააღმდეგეთა შორის ატეხილა ომი. პატარა და დამონებული ერებიც შიგ ერევიან, იმის და მიხედვით, თუ რამდენათ მომზადებული არიან ეს პატარა ერები ამ საშინელ განსაცთელის წინაშე, იმათი ბედი და უბედობაც ამ მომზადებაზეა დამოკიდებული.

ამ უზარმაზარ სოფლიო ომში, რომელიც ახლა მოედო თითქმის მთელ ქვეყნიერებას, ჩვენ ქართველებიც ვიღებთ მონაწილეობას. პირველათ ეს მონაწილეობა გამოიხატებოდა მხოლოთ ქვეშევრდომის მოვალეობის ასრულებაში. მარა შემდეგ ომი გაიმართა ჩვენს ტერიტორიაზედაც და ახლა მონაწილეობას ვიღებთ აგრეთვე, როგორც საომარი ადგილის მკვიდრები. ჩვენთან ერთათ, მხოლოთ ჩვენს წინააღმდეგ ომში მონაწილეობა უნდა მიიღონ იმ ქართველებმაც, რომლებიც ლაზისტანში ცხოვრობენ და ოსმალეთის ქვეშევრდომნი არიან. იბადება საკითხი, რამდენათ ვართ ჩვენ, როგორც ცალკე ერი, მომზადებული ამ დიადი მომენტისთვის და, რამდენათ შეგვიძლია ჩვენ, თუ დრომ მოგვთხოვა, ჩვენი ინტერესი დავიცვათ.

გაზეთებში უკვე იყო აღნიშნული, რომ ეკონომიურის მხრით ჩვენ ყოვლათ მოუშაადებელი შევხვდით ამ დროს. ჩვენი ხალხის უმეტესობა სოფლის მეურნობას მისდევს. სოფლის მეურნობა-კი, რადგან საზღვარგარეთ მისი ნაყოფის გაყიდვა აკრძალულია, მეტათ შეფერხებულია. ზოგიერთ დარგს მეურნოებისას, მაგ. მელვინობას, შინაც დაბრკოლება ზღუდავს. ვაჭრობა ჩვენში აქამდე ძლიერ ცოტათაა გავრცელებული. ფაბრიკები, ქარხნები ჩვენ სრულიათ არ გაგვანია. ამიტომ ახლა, როცა სოფლის მეურნობის ნაყოფს გასავალი არა აქვს, ქართველობა უმწეოა თვისი ეკონომიური მდგომარეობა როგორმე გააუმჯობესოს ისე, როგორც ამასაწერხებს სხვა ერები, მიმდევარი არა მარტო ერთის დარგისა, არამედ მრავალნაირისა. ომის დროს, თუ სოფლის მეურნობა ეცემა, მაშინ ვაჭრობა-მრეწველობას დიდი სარგებლობა მოაქვს.

ჩვენ, გვეგონია, რომ არა თუ ეკონომიურის მხრით, არამედ პოლიტიკურის მხრითაც ჩვენ ამ დროისთვის მოუშაადებელი ვართ. ჩვენ არამც თუ არ შეგვიმუშავებია საერთო გეგმა მოქმედებისა, არამედ ჩვენ არ გვყავს კაცები საჭირო დროს დღიური მუშაობისთვის. სხვა უფრო დიდ საკითხებს, რომლებიც შეიძლება შეხვდეს ჩვენს ერს ამ ომის განმავლობაში, ჩვენ არ შევხვებით. მივაქცევთ ყურათღებას მხოლოდ ორიოდ ვწრილმან მხარეს. როგორც ზევითაც მოვიხსენეთ, ომი ახლა საქართველოს ტერიტორიაზე წარმოებს. ჩვენ ახლა იმავე მდგომარეობაში ვართ, როგორშიდაც იმყოფება პოლონეთი.

პოლონეთის, ეს თუ ის ქალაქი,

ანუ სოფელი, ხან ერთის ხელში არის, ხან მეორისაში. პოლონელები ამ შემთხვევაში, ვინც-კი პირდაპირ ომში არ იღებს მონაწილეობას, აარსებენ კომიტეტებს, რომლებიც განაგებენ ქალაქებსა და სოფლებს და უსუბუქებენ, რამდენათაც შეიძლება, მკვიდრთ გაჭირვებულ ცხოვრებას. დიდი ცოდნა და დიდი ტაქტიკა საჭიროა, რომ ამგვარ სახიფათო დროში კომიტეტმა მცხოვრებლების ნდობა დაიმსახუროს, თვისი მოქმედება საქმის ვითარებას შეუფუოს და, ამგვარათ, პირნათლათ შეასრულოს თვისი დანიშნულება. ვართ ამის შემძლე ჩვენ? სრულებით არა. აქარას საქმე, ამის ნათელი საბუთია. ამ კუთხეს ჩვენ სრულებით არ ვიცნობთ, საჭირო კაცები ჩვენ არა გვყავს, სახსარიც არ გვაქვს და საჭირო ზომების მიღებაც არ შეგვიძლია, რადგან მართლაც მოუშაადებელი და ცხოვრებაში გამოუცთელი ვართ, ბავშებივით. თუ რამდენათ უმწეო ვართ, შემდეგი ფაქტითაც მტკიცდება. როცა ერთ სხდომაზე ჩვენ ჟურნალ-გაზეთებს უსაყვედურეს, აქარას ნამდვილი ვითარება აქამდე რუსულ მწერლობაში არ არის განმარტებული და ახსნილიო, პასუხათ ის მოიტანეს, რომ აქ, ე. ი., თფილისში შეუძლებელია მათი გამოკვეყნება, სხვა და სხვა მიზეზების გამო, და სატახტო ქალაქებში-კი რედაქციები არ გვიბეჭდავენო. ამაზე უფრო მეტი უილაჯობის მოფიქრებაც, შეუძლებელია...

ომმა და ჩვენმა ეკონომიურმა დაქვეითებამ უიმშილობა გამოიწვია. თითქმის ნახევარი წელიწადია ეს ფაქტი უეჭვო შეიქნა. გაზეთებშიც გაცხარებული წერილებია მოთავსებული, კამათიც და

ლაპარაკიც ბევრი იყო, როგორც პრესაში, ისე საზოგადოებაში, თუ როგორ უნდა ეშველოს ხალხს და ჯერჯერობით მხოლოდ იმ დასკვნამდე მივიდნენ, რომ ერთმანეთს ექიშვებიან, არა ინტელიგენციამ უნდა ითავოს ეს საქმე, არა დემოკრატიამო. თითქოს ეს საქმე, რომელიმე წრის საქმე იყოს და არა საერთო და თითქოს აქ ყველაფერი მხოლოდ ფულზე და მოხერხებაზე არ იყოს დამოკიდებული. აქ, კავკაზში, სადაც მე ცხოვრობ, სიმღილი ბევრიცაა და, შედარებით, რაფიც. რამდენიმე დაწესებულების და კერძო პირთა შეკითხვაზე ცნობები მივაწოდე და აქაური ქართველობის მხრით დავპირდი ყოველგვარ დახმარებას და აქაური ხარჯების დაფარვასაც. მარა პირველი შეკითხვების შემდეგ, არავითარი ხმა არ ისმის. ეტყობა, საქმე ვერ მოწყობილა თუმცა იმისი მოსაწყობათ არაფერი დიდი ნიჭი და უნარი არ არის საჭირო. ფული ამას დიდი არ დაჭირდება (მე, რასაკვირველია, იმ აზრის ვარ, რომ სიმღილი დაურიგდებათ არა უფასოთ, არამედ შეღავათიანი ფასით) და მოხერხებით-კი ამგვარ საქმეს უბოლოო უვიცი კომისიონერები აკეთებენ. განა ჩვენ საზოგადოებას ამგვარი საქმის მოწყობა არ უნდა შეეძლოს? შეუძლია, მარა მოთავე არ არის ჩვენი ამგვარი მდგომარეობის მიზეზი-კი ჩვენ თვითონვე ვართ. ისტორიულმა ცხოვრებამ ჩვენი ინდივიდუალური მხარე ძლიერ გაავითარა, საზოგადო, საერთო, კოლექტიურ ცხოვრებისთვის-კი თითქმის მოგვსპო და ახალმა თაობამ-კი ვერ შეიძლო მისი გამოსწორება... მთელი ჩვენი ყურათღება უნიადაგო პრინციპების და თეორიების ახსნას მო-

ვანდომეთ, პრაქტიკული საზოგადო მხარე-კი სრულიათ დავივიწყეთ. ჩვენი ინტელიგენციის და მოღვაწეების მიმართულება სამწიგნობრო და საფილოსოფოსო საგნებზე იყო მიქცეული, რეალური ცხოვრება-კი თავისთავათ, ინსტიტუტურათ, მოღვაწეთა გარე მიდიოდა და იზდებოდა. ჩვენი მწერლობა და მოღვაწეები აქამდე აღმაცერათ უყურებენ, არა თუ მოსამსახურის და მოხელის შრომას, არამედ ვაჭრისა და მრეწველის მოქმედებასაც-კი. პრაქტიკული ცხოვრების გავითარება და მდგომარეობა არ აინტერესებს ჩვენს ინტელიგენციას და ჩვენს მწერლობას...

ამ დიდებულმა დრომ უნდა გამოგვაფხიზლოს, ჩვენი ინტელიგენციის ფსიხიკა უნდა შეცვალოს და ცხოვრებას დაუახლოვოს. მისი თვალსაზრისი უფრო დიდი, უფრო ვრცელი უნდა გახდეს... იგი უნდა ყურს ადევნებდეს და, სადაც საჭიროა ხელმძღვანელობას უწევდეს ჩვენის ცხოვრების ყოველს მხარეს...

სრულიათ საქართველოს მჭიდროთ შექმნისთვის საჭიროა მწერლობის და მეცნიერების გავითარება და არა ნაკლებ საჭიროა ფაბრიკების, ქარხნების დაარსება და მათი წარმოება. დიდათ საჭიროა სოფლის მეურნეობის გავითარებაც და მცხოვრებთა უმეტესი ნაწილის გაღონიერება. მარა აგრეთვე დიდათ საჭიროა ვაჭრობის და მრეწველობის აღორძინება და აყვავება. ესეც ცოტაა. საჭიროა, რომ ქართველობაში იყოს მთელი კადრი სამხედრო პირთა, სამოქალაქო მოხელეთა და სხვა ყოველ პრაქტიკულ მომუშავეთა. ყველა ესენი ცხოვრებამ შექნა, ცხოვრებისთვის ისინი საჭირო არიან, მხოლოდ ჩვენი ვალ-

დებულობაა ისინი შევუდულოთ მთელს ერს, მის მისწრაფებას და მოთხოვნილებას.

თუ ჩვენ გვინდა ვიქნეთ ცალკე ერი, არავითარი მხარე საზოგადო და კერძო ცხოვრებისა არ უნდა დავივიწყოთ, ყველაფერი უნდა გავავითაროთ, ყველაფერი უნდა შემოვიკრიბოთ. მხოლოდ მაშინ, როცა ყოველი მხარე ჩვენი ცხოვრების ამოძრავდება, მაშინ ამ მრავალ ფეროვან მდიდარ ცხოვრებას შეიძლება მიეცეს და კიდევაც მიეცემა ერთი სული და ერთი გული. მაშინ შეგვეძლება საერთო გეგმის შემუშავებაც და იმის თქმაც, რომ ჩვენ წარმოვადგენთ სრულიათ საქართველოს და მომზადებულიც ვართ და საჭირო ძალებიც გვყავს ყოველი დიდი მომენტისთვის...

ასან ლონთქაფანიძე.

აკაკი, 27 მარტი 1915 წ.

ჩვენი ახალი ლიტერატურის ისტორიიდან.

ჟურნალ „განთიადის“ № 5-ში აკაკის ნაწერების კრიტიკულ განხილვას რო ვწერდით, ვამტკიცებდით: აკაკის ჩვენ მწერლობასთან დაახლოვება ბ-ნ ნიკო ნიკოლაძის და არა სერგეი მესხის მეოხებით იყო გამოწვეული-თქო.

ამას ვწერდი, მარა ისე ძლიერადაც დასაბუთებული და ცოცხლადაც დახატული, როგორც ეს ქვემო მოტანილ წერილში აღმოჩნდება, მე არა მქონია.

ეს წერილი ეკუთნის ჩვენი ახალი ლიტერატურის და პუბლიცისტიკის არწივს, თვით ბ-ნ ნიკო ნიკოლაძეს. ბევრნაირადაც არის ეს მდიდარი შინაარსით სახსე წერილი დიდად საგულისხმო და შესანიშნავი: აქ არის პირველად მთელი რიგი მოწმეების დახმარებით სინამდვი-

ლის ნათლად აღდგენა და ახალი გაშუქება ფაქტებისა. აქვე არის იმისადაც რამ ახალი, რომელიც ჯერ ჩვენ სრულიადაც არ ვიცოდით, - ნიკო ნიკოლაძის და ილია ჭავჭავაძის დამოკიდებულებაზე. დღეს საქვეყნოდ მტკიცდება, რომ ილია ჭავჭავაძეც დიდად დავალებული ყოფილა ნიკო ნიკოლაძისგან...

ხელუხლებლად და სიტყვის გამოუკლებლათაც ვსტამბავთ აქვე ხსენებულ წერილს.

ხამლედი.

დიდად პატივცემულო, პატონო რომანოზ!

ვერ ვბოულობ სიტყვებს მაღლობის გამოსათქმელად იმ საპატო მსჯელობისთვის, რომელიც თქვენ ჩემზე გამოთქვით „განთიადის“ მეხუთე და მეექვსე ნუმრებში. სრულებით დამაბნია ამ უჩვევამოვლინებამ: მგონია, ეს პირველჯერაა, რომ ჩემი სახელი სტამბაში ლანძღვით და ცილისწამებით-კი არა, სიმპატიით იხსენიება - კერიას ნახშირი! განუსაზღვრელი მაღლობა მომიხსენებია თქვენთვის ამ სიკეთისთვის. ღმერთმა ქნას, რომ ბედნიერი ხელი გქონოდეთ.

ახლა-კი, ნება მიბოძეთ, ორიოდ სიტყვა მოგახსენოთ მეხუთე ნომერში მოტანილ აკაკის ნათქვამზე. რუსეთს გახლდი, როცა ის ნუმერი გამოსულა „თემისა“, რომელშიაც დაბეჭდილი ყოფილა ეს ადგილი, და ამის გამო, ის აქამდე არ წამიკითხავს. მართალია, როგორც სერგეი მესხი, ისე აკაკი (და ბევრი სხვა) მე ჩავყენე, მწერლობაში თუ არა, „მეომარ ჟურნალისტიკაში“, მარა აკაკისთვის მახსოვრობას უღალატნია, როცა დაუწერია, ვითომ მე ვინმე დამბატიყნოს კერძო წრის შესადგენათ,

ილია ჭავჭავაძის თაობის საწინააღმდეგოთ. არამც და არა! საზღვარგარეთიდან რო დაებრუნდი და ქართული ჟურნალისტის გაცხოველება განვიზრახე (1870-იან წ.) ილია ჭავჭავაძეს დიდი ხანია სრულებით მიტოვებული ქონდა ჩვენი ჟურნალ-გაზეთები. ის დუშეთს ცხოვრობდა, საცა მომრიგებელ მოსამართლის თანამდებობას ასრულებდა*). ჩემი პირველი ნაბიჯი ის იყო, რო ყველა მაშინდელი ახალთაობის მომხრენი შევეგროვე და დავაჯერე — დუშეთში ავიდეთ, ილია ჭავჭავაძე მოვიყვანოთ და ისევ ქართულ მწერლობას დაუბრუნოთ, ქართული საქმეების სათავეში ჩავყენოთ-მეთქი. ამ აზრით და მიზნით 1871—1873 წლებში ხუთჯერ მაინც ავსულვართ დუშეთს „გროვით“ ქართული მწერლობის და აღორძინების მოტრფიალენი (ლოუარსაზ, ანუ შაქრო მალალაშვილი, სანდრო ერისთავი — „ამერიკელი“, გიორგი ყაზბეგი, ნიკო მესხიშვილი, სერგეი მესხი, გიორგი წერეთელი, აკაკი, ნიკო ლოლობერიძე და თქვენი უმდაბლესი მოსამსახურე. ბევრჯელ დაგვიპატიჟნია: მეთაურათ გაგვიხდით, გვიწინამძღვრეთ, გვიმსახურეთქო. როგორც ამ პატიჟის ინციტორი, აგრეთვე იმ პლანის, რო საადგილმამულო ბანკი გავხსნათ და მისი მმართვე ილიკოს ჩავაბაროთ-თქო, მე განლდით. იმ დროს (1870—1873 წ.) დიმიტრი ყიფიანისგან 1865-ში გამოთქმული სურვილი „ბანკი დავაარსოთო“ ყველასგან დავიწყებული იყო და საქმეც, ამის

თაობაზე, დიმიტრი ყიფიანისგან დაწყებული, მისი მარშლობისგან გადადგომის შემდეგ არხივე იყო დამარხული*). შაქრო მალალაშვილს ეს ჩემი აზრი ეჭაშნიკა. მან და ნიკო მესხიშვილმა მხარი მომცეს და დიდი ღვაწლიც დადვეს ილიკოს ამ საქმეში გასაბმელათ. გიორგი ყაზბეგიც მათ ეხმარებოდა ამაშივე. ილიკო დიდ უარზე იდგა, როდი გვიჯერებდა, ვერ ბედავდა სახელმწიფო სამსახურის მიტოვებას. შაქრომ ის ოინობით გააბა ბანკის საქმეში. როცა კენჭის ყრა დანიშნული იყო ბანკის მართველების ასარჩევათ და ილიკომ გადაჭრილი უარი შემოთვალა ჩამოსვლაზე და კენჭისყრაზე, შაქრომ მიწერა: ყრილობაზე ჩხუბი მოპივიდა ერთ ვაჟბატონთან, დუელში ვითხოვ და სეკუნდანტათ უნდა დამიდგე, რადგან სახუმრო საქმეთ არ მინდა ვაქციო ეს გამოწვევაო. ილიკო შეშინდა მეგობრისთვის და ჩამოიჭრა. დაეხვია მას მაშინ მთელი ახალგაზღობა და ძალდატანებით თანხმობა ათქმევინა. — ბევრი ამისანა საბუთი შემიძლია გავახსენო საზოგადოებას იმის დასამტკიცებლათ, რო ჩვენს („დროების“) წრეს საერთოთ, და მე განსაკუთრებით, სრულიადაც არ გვსურვებია რამე კერძო, ახალი წრის, ან ეკლესიის დაარსება უწინდელის წინააღმდეგ, როგორც აკაკის ნაწერიდან გამოდის ახლა. გვსურდა, რაც რამ ძალა არსებობდა, იმ დროს ჩვენში, შეგვეერთებია და ერთს უღელში შეგვევა, საერთო, საერთაბო, კულტურული საქმის საკეთებლათ. რასაკვირველია, ჩინებულათ მესმოდა,

*) მაშინდელი „ახალთაობა“ მას ვნდუროდა, ბრძოლაში მიეცატოვაო, „საქართველოს მოამბე“ უმიზეზოთ მოსპო, სამსახური ამჯობინა მწერლობასო, ღსხვა და სხვა.

*) დიმიტრის დროს არც გამორკვეული ყოფილა ეს აზრი, თუ როგორი ბანკი დაარსდეს, ვაჭრული, თუ საადგილ-მამულო.

რო დიდი განსხვავება არსებობდა ილიკოს, აკაკის, მესხის, გიორგი წერეთლის და ჩემს მიმართულებებს შუა; რო ბევრში მათი აზრი ჩემის წინააღმდეგი იყო; მარა ნათლათ იმას ვგრძნობდი, რომ ჩვენს სიცოცხლეში, ჩვენს მამულში ვერ მოვესწრებით ისეთი ხანას დადგომას, როცა ჩვენი აზრების წინააღმდეგობა ჩვენს შორის რეალურა ბრძოლის ატეხას გამოიხმობს. წინააღმდეგობა იყო მაშინ—მარტო ნატვრის სხვა და სხვა ფერობაში. სადავო გვექონდა მარტო ის საკითხი, თუ რამეღა ნატვრა სჯობას: ილიასი, აკაკის, გიორგი წერეთლის, სერგეი მესხის, თუ ჩემი? სანატრელი ყველას სხვა და სხვა ნაირი გვექონდა. მარა, რაკი არც ერთის ჩვენგანის ნატვრა ჩვენს სიცოცხლეში არ გახორციელდებოდა, ვფიქრობდი—დაე, ყველამ, რაც უნდა, ის ინატროს. ნამდვილ ცხოვრებაში-კი, საქმიანობაში, ისეთ საგნებში, რომლის გახორციელება ჩვენს სიცოცხლეში მოსალოდნელია, ყველა, რასაკვირველია, ერთი და იმავე აზრის და გრძნობის ვიყავით. ასე ახლაც, ყოველი გონება საღი ადამიანი, რომელ პარტიასაც უნდა ეკუთვნოდეს, ერთი და იმავე აზრისაა, ხომ, მაგალითად, შკოლების საჭიროებაზე, სიმართლის სიკეთეზე, სიტყვის და კრებების თავისუფლებაზე, რწმენის სიწმიდეზე და სხვა და სხვა. ასე გაშინჯეთ, ის შეხედულობა, ესე იგი, ის აზრი, რომ ჩვენ ყველას შემაერთებელი მიდრეკილება ბევრათ უფრო მეტი გვაბადია, ვინემ გამყოფი და წამკიდებელი, რომ დავას, მტრობას, განხეთქილებას ბადავს ჩვენს შორის მარტო ოცნება, ნატვრა, ხიმერა და არა

არსებათი, რეალური ინტერესი, იმდენათ ძლიერი იყო და არის ჩემში დღემდე, ხო ჩემში სრულიათ არავითარი მწვავე სამდურავი და წყენა არ მოუხდენია და დაუტოვებია ილია ჭავჭავაძის ამხედრებას ჩემი აზრების წინააღმდეგ სათავად-აზნაურო ბანკის წესდების შესახებ, 1876-ში, ამნაირივე მტკნარ შეცთომათ მიმანია დღესაც ჩვენი პარტიების ამხედრება ერთი მეორის წინააღმდეგ, რადგანაც მათ მარტო ხიმერები ყოფენ განსაკუთრებულ ბანაკებათ, მაშინ, როდესაც მათი რეალური საჭიროება და საქმე მათ უნდა ათანხმებდეს და ერთ ჭაბანს აწვეინებდეს. იმის საბუთად, რომ ილიკოს წინააღმდეგ-კი არა, ილიკოს სასარგებლოთ ვკრებდი მწერლებს და ძალებს, ისიც შემძლია მოვიტანო, რომ დუშეთში ასვლის დროს გამოვართვი ილიკოს მისი ძველი ლექსების რვეული, მისი „მგზავრის წერილები“, „გლახის ნამბობი“, „აჩრდილი“ და ბევრი სხვა ნაწერი, რომელნიც ავტორს აკრძალული ეგონა, და ჩემს „კრებულში“ სავსებით დავბეჭდე. მისი გავლენის წინააღმდეგი რომ ყოფილიყავი, განა ამდენს ვიზრომებდი მისი ხსოვნის და ძლიერების აღსადგენათ, მისი მეთაურობის დასაარსებლათ? თითქმის მკვდარს, და მარხულს, დავიწყებულს ილიკოს, რათ აღვადგენდი დუშეთის საფლავიდან, მის წინააღმდეგ დროშის აფრიალება რომ მსურვებოდა? განახლებული, გაღვიძებული „დროება“ და სხივ-მოსილი „კრებული“ მე ჩემთვის და ჩემი წრისთვის-კი არ მინდოდა (როგორც აკაკი ამბობს), საქართველოს საქმეს ვუძღვენი და ილიკოს ხელში ჩავაბარე, ასე გაშინჯეთ, აკაკითურთ, რომელსაც სტუდენტობის

დროიდან რაღაც სამდურავი აჩნდა გულში ილიკოზე.

ზოღიშს ვიხდი, რომ ამდენი წერით თავი მოგაწყინეთ, მარა, რადგან თქვენ ჩვენი მწერლობის ისტორიას იხსენიებთ და ემსახურებით, იმედი მაქვს, მიხვდებით საჭიროებას აკაკის ასეთი შეცთომის გასწორებისას. დიდათ დამავალდებთ, თუ ამ შეცთომას გაუსწორებლათ არ დატოვებთ, რისთვისაც შეგიძლიათ ამოიღოთ ამ ჩემი წერილიდან, რომელიც გსურთ, ფაქტები და ადგილები, თქვენი სურვილისამებრ.

ამასთანავე, გთხოვთ, თქვენს ძმას იაკობს გარდაცეთ ჩემ მაგიერ, რომ 1879 წ. სოლოვიევის ხელმოწიფეზე სროლის შემდეგ, სიტყვა „სოციალიზმი“ ბევრათ უფრო მეტათ აკრძალული იყო ჩვენში ცენზურისგან, ვინემ ჩერნიშევსკის და დობროლიუბოვის დროს, როცა ის ყველას მართო ტეორიულ უტოპიათ მიიჩნდა, და არა მებრძოლ ძალათ. ამის გამო, არც მე შემეძლო მისი ხმარება, თვარა მთელი ჩემი სტატია აღიკრძალვებოდა.

დავრჩები თქვენი მორჩილი
ნ. სიკოლაძე.

კ რ ი ტ ი კ ა .

ი. გრაშაშვილი.
I.

ბ. ი. გრიშაშვილის შესახებ ჩვენში აშკარათ შემცდარი შეხედულობა დაჰყარდა: ბევრს გონია, ვითომც პოეტის სულიერი განწყობილება, მისი „სიღერა“ და შთლათ მისი შემოქმედება ლალი და უღარდელი, ცეცქი და ოპტიმისტური იყოს; ვითომც ის, უშთავრესათ, ელტოდეს „სიამეთა ამა სოფლისასა“ და დარდს, სეგდას, კშუნვას და ვაგებს არ იკარებდეს, შეგნებულათაც გაურბოდეს. ფართო მკითხველი საზოგადოება, ჩვენი „ბანა-

ვანი“ და მათის შეხედულობა წარმოდგენის გამოშხატველნი კალმოსანნიც-კი ბ. ი. გრიშაშვილს უყურებენ, როგორც მხოლოთ ეროსის მათაყვანებელს, „კოცნის“ უსტაბაშს და ხორციელ სიშვენიერე-სილამაზის სწორ-უპოვარ მესალბუნეს. „ბარაშეჯან“, „კოცნა“, „გენაცვალე“ და რამდენიმე სხვა ლექსი, მართლაც მხიარული და უადრესათ ეროტიულის ხასიათისა, — ი, რაზე ამყარებს უმრავლესობა თვის შეხედულობას და წარმოდგენას ი. გრიშაშვილის შემოქმედების შესახებ...

მარა, ვინც დაკვირვებით წაიკითხავს პოეტის ლექსთა კრებულს, დარწმუნდება, რომ მისთვის ისეთივე ჩვეულებრივი საშუალოა „სევდის ბაღში“, მისთვის ისეთივე თანამგზავია „დარდ ვარამი“ და „ოხვრა უბედურისა“, როგორც ყველა სხვა ჩვენი მგონებისთვის.

ჩვენ რამდენჯერმე გვქონდა შემთხვევა აღგვეჩინა (იხ. „გრდემლი“, ნ. 1 „პოეტი-მოქალაქე—გ. აბაშიძე“, „განათლება“ — „მოქალაქობრივი მოტივები ჩვენს პოეზიაში“ და სხვა), რომ არც ერთს ჩვენს პოეტს არ ძალუძს ლალი სიმღერა. უღარდელი ჭიკჭიკი, წმინდა ესთეტიური შემოქმედება. საზოგადოებრივ-პოლიტიკური პირობანი, საქართველოში დამყარებულ-გამიფხებულნი, ჩვენს მგონებს ძალაუნებურათ ქმნიან მომეტებულათ „მიწის შეილათ“, მოქალაქეთ. რასაკვირველია, სიძლიერე, სიღრმე და შეგნება მოქალაქობრივ მოტივისა სხვა და სხვა მგონის შემოქმედებაში სხვა და სხვა ხასიათის და ელფერისა და სხვა და სხვა ღირებულობას წარმოადგენს, იმისდა მიხედვით, თუ ვინ, როგორის ნიჭის შეგნების და ვავითარების პატრონია. მხოლოთ ერთი-კი ჭეშმარიტება: ყველა ჩვენს პოეტებს ახლო ანათესავებს მათი „მიწის შეილობა“, მოქალაქობრივ მოტივებით გატაცება.

ამისთვის, დეე, ნუ გაუკვირდება პატივცემულს მკითხველს, თუ ჩვენ ი. გრიშაშვილის შემოქმედების განხილვას მისი „ცრემლი ჩაქსოვილი ჰანგებიდან“ დავიწყებთ.

როგორც თითქმის ყველა ჩვენს პოეტებს, ძველებს და ახლებს, ბ. ი. გრიშაშვილსაც ენატრება „ხმები საღვნინ“ და „სასიციოცხლოთ დამყნა იმედის იისა“ (იხ. ლექსთა კრებული, გვ. 47). მარა მაინც „დღე და ღამ ტირის მწუხარე“ (გვ. 21) და „ლაპა-ლუპით თვალთაგან მწველი ცრემლი ცვივა“ (70). ეს ტირილი დროებითის, შემთხვევითი ხასიათის

როდი არის: „აკენთოვე, დაბადებით თანდაყვა ბედკრულს მგოსანს ცრემლი უსაზღვრო, მარად კვნესა, ღარდ-კაეშანი“ (49, 101).

პოეტი „შავად დამწვარია, არ ეკარება მის სულს სიცილი“ (131); გულში დასდგო-მია შემოდგომა“ (126), „აცივებულა მის სულში“ (222). მგოსანს „მკერდში გული აღარა აქვს, აღარა აქვს თვალთა გუფა, ცეცხლის ცრემლმა ამოუწვა, ცეცხლის ცრემლმა გადაბუგა“ (155). „სული ატკენია, გული დაქკობია“ (127) და „სევდის ღრუბელი გადაკვრია მის მიმქალ თვალებს“ (40).

შენიერს გაზაფხულს და „ფრინველთა ჟღივილს“ დამწუხრებული ეგებება (22); „ბულბულის სტვენა ჩხავილათ ესმის, ყვავილებს შეყურებს ნაღვლიანათ და „მზის სხივები ისარმაყვლათ ესობიან დამწვარ გულში“ (25). საზოგადოთ, მგოსანს „არ ძალუძს დიდებული ბუნების ფერხულს მიცეს ბანი“ და ისიამოვნოს (49); უფრო ენათესავება მას „გაცრეცილი ობოლი ღრუბელი“ (117). ამოთ იწვევს პოეტს „შეგების ყვავილი, ამოთ აფრქვევს სამოთხის სურნელს; „მზეც დიდებული, მზეც გულუბრყვილოც ამოდ ტყორცნის მას სხივს უკანასკნელს“ (132). შემოდგომა, გრივალი, სიცივე ი. გრიშაშვილის უფრო შეყვარებია, და სწორეთ ამისთვისაა, რო მღერის „ჰიმნს შემოდგომის, ჰიმნს მკრთალს, ცივსა, კაეშანი“ (104). ჰივს, ცრემლი, მას ჰანგათ ჩამოუქნია და მთელი თვისის შემოქმედებისთვის „შავბნელი ზეწარი გაღუფარებია“ (90). ასე წარმოიდგინეთ, მგოსანს „თვისი ლექსებიც“ შეძლებია (128): „აღარ ლოცულობს, აღარა მღერის, დაუთალხავს ქნარი, ქნარი ოქროსი“ (132), რადგანც „სიცოცხლის ჰიმნი დაუსაფლავებია“ (142).

ასეთს მდგომარეობაში ერთათ-ერთი ხსნაა სიკვდილი, და პოეტიც კვნესით მოთქვამს: „არ მსურს სიცოცხლის არარაობა, და მსურს სიკვდილი, მხოლოთ სიკვდილიო“—(25). „დაობლებულ“ პოეტის ასეთს „მოთქმაში“ სასოწარკვეთილების ხმა ისმის, ეს ხმა „ფიქრით ავათმყოფ, წყეულ-დაგმობილ“ ადამიანის სულის კვნესაა!

თუ სანამდი მიდის ი. გრიშაშვილის უსასოება, ეს იქიდანაც ჩანს, რო მას პირუტყვთა და ფრინველთა ყოფა-მდგომარეობაც ეხარბება. ტოროლას, აი, რა სიტყვებით მიმართავს:

„ბუნების ძეგ! სად არა ფრენ?
რას არ მღერი გულ-წარმტაცათ?
ნეტავი შენ! ნეტავი შენ!
რომ არ გაჩინ ჩემებრ კაცათ?“ (123).

ასეთი სულიერი განწყობილება რო სიკვდილის წინამორბედა, ეს ხომ შემოქმედების ცეცხლის ჩაქრობას, „მკედარ უდაბნოში“—წიხის დამარხვას უდრის!

ყველაზე კარგათ ამას თვით პოეტი გრძნობს. ამისთვის ის იკრებს უკანასკნელს სასიცოცხლო სულიერ ძალებს და, მიუხედავთ აუტანელის ტანჯვისა, „შავ ბელს“ მხნეთ შეებრძოლება. „სიცოცხლის ჰიმნი“ მოწყურებია მგოსანს, სევდა-ვარამს საბოლოოთ ვერ ჩაუკლავს მასში სურვილი და ძალა აღმფრენისა და შემოქმედებისა. სასიცოცხლოთ გამობრუნებული ი. გრიშაშვილი თითქმის ბძანების კილოთი მოითხოვს:

„ოქვენ-კი, გესმით? გესმით მზე მიწდა,
მზე ზღვის ფსკერიდან ცეცხლათ ნაფეთქი!
მზე... მზე მომცივთ, მომცივთ-მეთქი!“ (151)

ასეთის სიძლიერის მზის—ამ სიცოცხლის უძლიერესი წყაროსი და სიმბოლოსი მოთხოვა, მისი მაცოცხლებელ სხივებით ასე დანატრება იმისი უტყუარი მაჩვენებელია, რო მგოსანის სულს საშიში ავათმყოფობა გაღუტანია და მორჩენის გზაზე დამდგარა. როგორც ვიცით, სიკვდილის კარზე მღგარი ავათმყოფი, განკურნების შემდეგ, უფრო ძლიერათ გრძნობს სიცოცხლის სიტკობა-სიამეს, ვინემ ტანმთელი ადამიანი: ალოთ და წყურვილი სიცოცხლისა უფრო ღრმათ და ძლიერათ ამეტყველებდა ხოლმე ადამიანში, მორჩენის შემდეგ. ამასვე ვამჩნევთ სულიერ ავათმყოფობის დროსაც. ჩვენი პოეტიც, მზის სხივებს დანატრებული და სასიცოცხლოთ მობრუნებული, გაორკეცებული სიძლიერით განიცდის განახლებულ შემოქმედების—ამ მგოსანის სულის სიტკობა-სიამეს.

„როგორ! მე ლექსი აღარა ვწერო?—ამბობს პოეტი—

დავწერ, კვლავ დავწერ, სანამდი გრძნობა ფრთასა შლის, სევდა დამსხივის. დავწერ ჩემ სისხლით კუბოს კარამდი, დავწერ, სანამდი მელნის ზღვა ღვივის! დავწერ, სანამდი ცეცხლ-მფრქვევი მენით არ გამიტყდება კალამი ჩვილი; რომ იმ პაწია კალმის ნატყვით მეც გამოვქვდო ბრძოლის მახვილი!

ვიმღერ კვლავ ჰანგებს, ჰანგებს ზე ქეყენურს,

ვიმღერებ, სანამ ოცნება ოხრავს,
ვიმღერებ, სანამ ჩემ ბრძოლის ჩანგურს
საფლავის ქია ჩაკლავს, გამოხრავს“ (144)
ღარდ-ვარამი, ქმუნვა-მწუხარება, ტან-
ჯვა-ვაება და გამობრუნებულ ცხოვრების „სი-
ცოცხლის ჰიმნის“ კიენი ისეთის სიძლიერით
და ისე ღრმით აქვს გამოთქმულ-გამოხატული
მგოსანს ზოგიერთს თვისს ლექსებში, რომათ-
ზე უწყყმანოდაც ხელს მოაწერენ ჩვენი დიდი
პოეტებიც!..

უსამართლობა იქნება ვინმემ იფიქროს,
რომ ი. გრიშაშვილს — „ბარაშკის ავტორს
და „კონის“ უსტაბაშს (!), — ვითომც არ შე-
შვენოდეს „აქტივიზება სევდის სიმებისა (172);
რო ვითომც მგოსანი მხოლოდ „სიტყვებს“
ატირებდეს და გულს-კი არა; რომ საზოგადოთ,
მას არ შეეძლოს აკაცისებური „ნაღვლიანობა“,
ბარათაშვილისებური „სულის ობლობა“ და
ორბელიანისებური „ქმუნვა“. ნუ ავჩქარდებით!
დაუცადოთ ჯერ-კიდევ „ბედკრულს, უგზოთ,
უკვალოთ, უქმით მაყალს“ მგოსანს; სიყვარუ-
ლით მოვეკიდოთ მას: „გავიცნოთ აწმყო, წარ-
სული, მომავალი“, და მაშინ ვნახოთ, თუ
როგორ „გადიქნას“ პოეტი და, როგორ „გა-
ახილოს თვალი მისმა მუშამ“! (180). ჩვენ
ღრმით გეწამს, რომ „გადაქმნილ გავიციებულ“
მგოსანი ჩქარა მძლავრს მოქალაქობრივ ხმას
ამოაღებინებს ჩანგს და „კონის უსტაბაშს“
დალს მალე შუბლიდან წარბიოსც! ოღონდ,
ვიმეორებთ, უნდა მივსცეთ მგოსანს შეძლება,
„ნახოს“, რაც საჭიროა, და „იყოს“ იქ, სადაც
მისთვის სასარგებლოა.

II

საინტერესოა გამოვარკვიოთ: რას „დაუ-
წვავს შავთ“ მგოსანი, რისთვის „არ ეკარება
მის სულს სიცილი“ (126); რამ „ჩაუხლართა
სულში ფიქრი მწვავე, ფიქრი შავი“ (121);
რა უშლის „მოსწყდეს სევდის მთას-მწვავს“
(73); რამ გადუქცა „კუბოდ ცისა ვთერი და
შეებად-კვენესა სასაფლაოსი“ (132)... ერთის
სიტყვით, რა არის უმთავრესი მიზეზი მგოს-
ნის სევდა-ვაებისა და კაენისა?

ერთათ ერთი სარწმუნო და სანდო წყა-
რო ამ საკითხების გამოსარკვევათ პოეტის „ჩან-
გის მოთქმა“, მისი პოეტური აღსარებაა.
მავმართოთ მხოლოდ ამ უტყუარ წყაროს და
გადავივიწყოთ, დროებით მაინც, „თვალით“
ნახული და „ყურით“ გავიხილო ბ. ი. გრი-
შაშვილის შესახებ.

მთავარი მიზეზი პოეტის ღრმა მწუხარე-
ბისა და ვაებისა, როგორც თვითონ გვაძე-
ნევს, ის არის, რომ ვერ გამოუტრკვევია გზა
ცხოვრებაში, ნათლად ვერ დაუსახავს საგანი
მღერისა, შემოქმედებისა; არ იცის, რას, ან
ვის ემსახუროს, რას, ან ვის უკმეოს გუნდ-
რუკი, ვისი, ან რისი საქმე-სადიდებლათ და
„სალოცავათ“. დახარჯოს პოეტური ძალა,
ქაბუკური სულის კვეთება.

მგოსანი არ მალავს, რომ „უმიზნოთ
დაეხეტება“, „დღესაც ღმერთს ეძებს“ (162).
ასეთი მდგომარეობა გრძნობით აღვისოდ პოე-
ტისა, მართლაც, რომ საშინელება!

ნიჭიერი, შემოქმედების ძალ-ღონით აღ-
სავსე, მღელვარე გულის პატრონი, „საიდუმ-
ლო სიმთა ეღერას“ და „ღვთაებრივ სულის
სილამაზეს“ დანატრებული (114) პოეტი
გრძნობს, რომ არა ყავს, ვერ უპოვია სა-
თაყვანებელი „ღმერთი“, ე. ი., გარკვეული
და ღირსეული იდეალი, ვერ აღუშენებია ხელ-
უხლებელი და წმიდა „ტაძარი“ სალოცავათ.

მგოსანმა ისიც იცის, რომ „ულვთაებო“
და „უტაძრო“ შემოქმედება, ცის ლურჯ-
ეთერს ვერ აეკვრება“, „ღვთაების სილამა-
ზეს და სიძლიერეს ვერ ეზიარება“ და, მაშა-
სადამე, ვერ შექმნის რამე ღირსშესანიშნავს
და სამარადისოს.

მართალია, „ულვთაებო“, მარა ნიჭიერი
პოეტიც შეძლებს მღერას, — მღერას ტკბილს
და წარმტაცსაც; მართალია, მასაც მიუხ-
ლოვდება და „რითმას დაუწნავს“ მუზა. მარა
ეს იქნება, თუ შეიძლება ასე ითქვას, გაცე-
რით, დროებითი სიმღერათ; ეს იქნება უმიზნო
და უსაგნო, სამარადისოს ღვთაებრიობას მოკ-
ლებული, „ჩანგის წყრილი“. ასეთს სიმღე-
რას ხომ ფასი არა აქვს; ასეთი ჰავნები ხომ
უნაყოფო — უშედეგოა!

ყველაზე ცხადათ, ყველაზე მწვავეთ ამ
„ულვთაეობის“ მივებლობას გრძნობს თვით
მგოსანი, რომელიც მოამყიდველის გულახდი-
ლობით საქვეყნოთ აცხადებს, რომ „არ შე-
უძლია წერა ხანგრძლივი, არ შეუძლია ფიქ-
რი ხანგრძლივთ“ (200), ვინაიდან „სადგური
წმიდა ვერსად უპოვია“; უღდალოთ სიმღერა-
კი „ლექსებით ამაო ბოდვათ მიაჩნია“ (170).

რო მოსალოდნელი „სიბეჩავე“ და „არა-
რაობა“ (210) თავიდან აიცილოს, ი. გრი-
შაშვილი გულმოდგინეთ და გატაცებით დაე-
ძებს მ. ცოცხლებელ „ღმერთს“. ამ ძიების
დროს ჰაბუკ მგოსანს პირველ ყოვლისა სა-

თაყვანებელ „ღმერთთ“ ტრფობა და სიყვარული ევლინება. ამ გრძნობის აღში და მისი დამატებობელ ნექტარის ნაკადულში სურს მას „პოვოს კემშარიტი ყოფნის ღმერთი“ (175).

მგოსანმა თითქოს პოვა ამ ტრფობა სიყვარულის გახორციელება... მის აღტაცებას ახლო საზღვარი არა აქვს, ვინაიდან, მისის აზრით, ბოლო ქმოდება „უაზრო და უკვალო“ ხეტიალს და უმიზნოთ მღერას. ი. გრიშაშვილი მთელს თვისს სულიერს ძალას იკრეფს, ყოველივე მხატვრულს საშვალებას და ხერხს ხმარობს, ცადა-ქვეყანას, უსულო და სულიერ არსთ და საგნებს წვდება და იშველიებს, რო ღირსეულათ, თვალწარმტაცათ მორთოს-მოკაზმოს „სულის კერპი“ —სატრფო.

„ზღვის ფსკერიდან ძვირფას ქვებს ვკრეფ, ვკრეფ უცნაურს მარგალიტებს“, — მოგვითხრობს მგოსანი —

მზის სიცილი დაფაფრქვიე გადახნიქილ ვარდის კვირტებს,
 ცის კამარას ჩავაგრიხე, ჩავაგრიხე ცეცხლის სხივი,
 ორთქლის კაბა გადაგაცივი, ყელს დაგკიდე ნამის მძივი,
 მთას მოვწყვიტე ნისლის ცრემლი, ღმერთს მოვტაციე ძალთა-ძალი,
 და ეგ ვარდი ისე მოვრთე, ვით უმანკო პატარძალი!“

თვისი „რწმენის სამლოცველო“ —სატრფო მგოსანს წარმოუდგენია და ეჩვენება ყოველივე იმ საგნათ და არსებათ, რაც ბუნების წიაღში ლამაზი, ნაზი, თვალწარმტაცი, დიდებული და ბუმბერაზია.

„შენ ხავერდის ყვავილი ხარ, ხარ ტკბილი და ხან-კი მწარე“, — ეუბნება „სულის კერპს“; შენ ნუკრი ხარ, ლალი ნუკრი; ტბის გულმკერდზე მოცეკვავე.

შენ ხარ რწმენის სამლოცველო, გამოუცნობ გრძნებით საესე...

შენ ზამბახის ფურცელი ხარ, ცურავ ნამში ცათ იწვევი.

შენ ვეზუვის ფრიალო ხარ, მთა სისტიკი, ცეცხლის მფრქვევი...

შენს თვალეში ტალღას ძინავს, ტალღას მშვიდს და მოკამკამეს.

შენს თვალეში ფეთქს სიცოცხლე, ვეძებ აზრებს თავისუფალს...

შენს თვალეში კრთის ვარსკვლავი, სტირს ტირიფი თავდახრილი,

შენს თვალეში კანდელს აქრობს ზღვით ნატყარცის სიო გრილი“ (175).

ამ თვისი „სულის კერპს“ მგოსანმა პირველ ხანებში „უშვიდესი სულის ლტოლვე მიუძღვნა“ (156); ეგონა, რო სატრფო „სიმბოლოა სიწმიდისა“, „ღმერთთა ქნარზე ქანდაკებული“ (150), „ლოცვის წმიდა და სპეტაკი კოშკია“ (153), „ცის და ქვეყნის კავშირია“ (169). ასეთი აღტაცებული თაყვანისცემა სატრფოსი ვისმეს მიწიერ გრძნობათა დელვათ და ჩვეულებრივ ტრფიალებათ რომ არ მოჩვენებოდა, მგოსანი გადაჭრით გვეუბნება:

„მე თვით შვენიერს — მწამს შვენიერი; მე მხოლოთ მიყვარს სული ქალისა, სხვა არაფერი, სხვა არაფერიო“ (170).

მარა ილიუზია ჩქარა გაქრა. სამარადისო და სიშვენიერის მოტრფიალე მგოსანს იმედი ჩქარა გაუტრუედა. მიწიერ ადამიანის სულში და აღზნებულ ტრფობის ცეცხლში მან „ყოფნის ღმერთი“ — იდეალი ვერ პოვა. „ეჭ, ვინ მოთვლის, სად არ იყო, ვის გულს ის არ ჩაქსოვია, მარა მაინც თვისი ღმერთი ვერსათ ნახა, ვერსათ პოვა“ (133; 175). ი. გრიშაშვილი მალე დარწმუნდა, რო, რაც გინდ შვენიერი იყოს ქალი, მაინც დროებითია მისი „სილამაზე ჯავარ აყრილი“; რო ქალი მთელი არსება „ვნების ტალღითაა წალეკილი“ და სწორეთ ამისთვის „ცის შვილის სულთან მას არა აქვს საერთო“ (148).

ამაირათ, „თვით სიყვარულზე შეყვარებული“ (210) მგოსანი, ბოლოს და ბოლოს, იძულებული გახდა თავისივე ხელით დაემარხა „სულის კერპი“ და ოცნებით აგებული სამლოცველოც დაენგრიო.

„წყველ იყავ შენ! რათ არ ვიგრძნე, რო ხარ ცდუნება? წყველ იყავ შენ! დაწყველოს ღმერთმა ქალის ბუნება“-ო (178).

მრისხანეთ გაიძახის მოტყუებული და გულმოკლული პოეტი! უკანასკნელი საბოლოოთ დარწმუნდა, რომ „არ არსებობს სიყვარული საუკუნო“ (191). რომ „არსებობს მარტოოდენ გატაცება წუთიერი“ და რო „წუთიერი გულის თქმას არა აქვს საუკუნო ბოლო“ (189).

იდეალის დაკარგვა და სათაყვანებელი საგნის უღირსობა — აი, რა შია უმთავრესი მიზეზი ი. გრიშაშვილის მწუხარებისა, მისი სასოწარკვეთილებამდი მისული სულიერი კენე-

სა-ვეებისა. აი, რამ „მოღალა და, დააობლა“ (70), რამ „დაუმსხვრია გულის ნაზი სიმები“ (26) და რამ „მოუკლა ქაბუჯი რწმენა“. მოვისმინოთ უფრო ვრცლათ პოეტის „სულის ამოკენსა“ (131):

„შავათ დავმწვარეარ, მზის ცხოველს ხივით“, არ ეკარება ჩემს სულს სიცილი, შავებ გადაცმულ ქალწულ-ქალივით დავალ ულად, ეფრთებ მოკვეცილი.

რა ბედენაა, ცისა კამარა, რომ დაებჯინოს ბუნების მთა-კლდეს? რა ბედენაა, ჩემებრ არარა რომ ამ ქვეყანას მოწყდეს, მოაკლდეს?

ამაოა მიწვევ, შვების ყვავილო, ამათ მიფრქვევ სამოთხის სურნელს, მზევ დიდებულო, მზევ გულუბრყვილო, ამათ მტყორცნი სხივს უკანასკნელს!

გუშინ დავმარხე სატრფო გულისა, გუშინ კამარას მოსხლტა მთოვარე. დავლვარე კრემლი სინანულისა, უღაბნოს ქვიშა გადავაფარე.

ო, რათ მომტაცეთ ოცნების კოცნა? რათ მომიშხამეთ ტკბილი სიზმარი? ცავ! აღადგინე რწმენის ტაძარი. ზეცავ, პასუხი! პასუხი ჩქარი!

სული მიკვნესის, სული ვალაღებს. ხედავ, შენს მკერდზე ჩემი სუღარა დროშათ, ემბლემათ, როგორ ფრიალებს?— ...ღარ ვლოცულობ... ღარა ვმღერი... დავთალხე ქნარი, ქნარი ოქროსი, კუბოთ გადმეკცა ცისა ეთერი და შევებოთ-კენცა სასაფლაოსი“.

უპასუხოთ არ დარჩა მგოსნის ასეთი გულწრფელი ღაღადისი და ზეცისადმი ხვეწნა-მუღარა: ზეცამ უსმინა ი. გრიშაშვილს, უჩვენა უფრო ღირსეული საგანი „სალოცავათ“, მისცა საშვალემა „აღედგინა რწმენის ტაძარი“, „დამარხული მუზა“ გაეცოცხლებია.

რა საგანია ეს?

ეს საგანია „ფიქრ-ზრახვა“ „სნეულ ივერიაზე“, მის „ბედზე“, — საგანი, დამეთანხმებით, ყოვლად ღირსეული და ყველა შეგნებულ ქართველისთვის სანეტარო, საოცნებო. ერთს ლექსში (187) ი. გრიშაშვილი გარკვეულათ ამბობს:

„მხოლოთ გული იმასა სწუხს, მხოლოთ: გული მიტომ კვდება, რო სნეული ივერია, ვინ უწყს, როდის განახლდება“...

კმარა! დასრულდა მგოსნის „უგზოთ, უკვალთ“ ხეტიალი! ბოლო მოეღო მის „სულ ერთგვარ ბოდვას“ (165) და „ერთსახეობას“ (131)! დაუდგა მას ბედნიერი დრო, როდესაც შეძლებს „ხანგძლივ რწმენას, ხანგძლივ ფიქრს“ (200)! თუ ი. გრიშაშვილმა თვისი მაღალი პოეტური ნიჭი, ოცნების ლაღი ნაფარდი, მგზნებარე გრძნობა და სიტყვის, რითმის ჯადოსნობა ამ ღირსეულს „სატრფოს“ — სამშობლოს შეაღია და მოახმარა ისე უხვათ, ზეადმტაცათ და დაჯინებით, როგორც ეს მან წინანდელ უღირს საგანს — ხორციელ სიყვარულს — შეწირა, მაშინ იმედი უნდა ქონდეს მგოსანს, რა მადლიერი სამშობლო, მიწის სიმღერის და ტრფობის სიკეკლეუციო დამტკბარი და აღტაცებული, არამც თუ „არ წაართმევს მას მგოსნის სასულეს“, საპატიო ადგილსაც დაუთმობს ქართველ პოეტთა პანთეონში. ნუ გაიტყებს გულს ჩვენი ნიჭიერი მგოსანი, რა „სწავლის მამებს — პროფესორებს“ მისთვის „არ უღაღადნიათ, არ ყოფილან მისთვის მოცილინი“; რა ჯერ ის „არსად ყოფილა, არაფერი უნახავს“; რა მისი „მუზა“ დღემდე ერთსა არამც „ჩმახავდა“. ნუ უძახის თავის თავს „ბედკრულს, უქმათ მავალს“! მან უკვე აღლოთი მიავნო შემოქმედების უმთავრეს და უშრეტს წყაროს — სამშობლოს ძუძუს, — ძუძუს ტკბილს და ნაკუიერს; ის უკვე ხარბათ დაეწაფა ამ ნექტარს, იგემა მისი სიტკბობა... და გვეჯერა, ვიმედოვნებთ, რომ ამ მასსზღოებელ ძაღს მგოსანი არ მოშორდება, გაიზდება, დავაშკაცდება და ქართველ „მკერდ-ვაგაბილ მებრძოლ გვირებს“ ღირსეულათ გვერდში ამოუდგება! რა „ქარის ფრთაზე მოქანავე დავლეთილ ქართველთ დროშას“ ზღვის ტალღებს არ მოატაცინებს, „ერის სიამაყე წმიდათა წმიდას“ არავის შეაღახვინებს! წიკითხეთ და ჩაუკვირდით მგოსნის შესანიშნავ ლექსს — „სამშობლოს ნანგრევებში“, შესანიშნავს თვისის კრემლის მომგვრელი გულწრფელობით, მაღალის გრძნობით და მუსიკალობით.

„სიზმარათ ვნახე საქართველო — სისხლის ზღვაში ბანაობდა და დროშა კი დაფლეთილი ქარის ფრთაზე ქანაობდა.

და მეც, ვითომ ღრუბლებიდან დავეყურებდი
იმ ნაპირებს,
სადაც ნაშთი ჩახვეოდა მკერდ-გაპრილ მე-
ბრძოლ გმირებს,
დავეყურებდი ძველ მონასტრებს, ძველ აკლ-
დამებს წინაპართა,
სადაც ერმა ივერიის სისხლის დროშა ზე
აღმართა,
და ვფიქრობდი: ნუ თუ დღეს ბრბო, ისე
დაქკნა და დაკინდა,
რო სხვებს მიაქვს ჩვენი ერის სიამაყე, წმი-
დათ-წმიდა!..

—
ო, სამშობლოვ! შენს უღირსს შვილს, მო-
ნას, მხდალსა და უბედურს
ნუ, ნუ დამბდებ ბრალს წაუშლელს, ნუ
მომამსენ შენს საყვედურს;
ნუ, ნუ მეტყვი ჩემი მუხა, რო ყოველთვის
ერთსა ჩმახავს, —
მაშ, რაეუყო, გენაცვალე, სად ვყოფილვარ,
რა მინახავს?!
მითხარ რამე—მე ბედით კრულს, უგზოთ,
უკვლოთ, უქმათ მავალს,
მითხარ რამე, რო გავეცნო აწმყოს, წარ-
სულს და მომავალს.
მაშინ თვით მეც გარდვიქნები. მაშინ მუხაც
თვალს გაახელს,
მარა ჯერ-კი, გთხოვ სამშობლოვ, ნუ წა-
მართმევ მგოსნის სახელს“.

ამ ლექსის დამწერი, თუ იმ გზას გაყვა,
რომელსაც უკვე მიაგნო, თუ ახალი „სულის
მეუფეზე“ ისე დაჯინებით და ნიჭიერათ იმღე-
რა, როგორათაც პირველ „სულის კერპზე“.
მღეროდა, უეჭველია, დიდ და ყველასთვის
საყვარელ მგოსნათ გახდება.

III

დღეს ი. გრიშაშვილის ლექსთა კრებული,
გულახდილათ უნდა მოვახსენოთ, შინაარსის
მხრით დიდს ღირებულებას არ წარმოადგენს.
სწორეთ რო, თვით მგოსნის თქმის არ იყოს,
მისი ლექსები „ერთგვარი ბოღვა, ერთგვარი
ჩმახვა“. მართალია, როგორც თვით პოეტი
ამბობს ის „სიყვარულმა შექმნა პოტათ“;
მართალია, ჯერჯერობით მისი სახელი და პა-
ტივისცემა ზოგიერთ წრებში, უმთავრესათ,
მის ეროტიულის ხასიათის ლამაზ ლექსებზეა
დამყარებული. მარა ისიც მართალია, რო, თუ
მან მხოლოთ ამ საგანს შეაღია თვისი შემო-
ქმედებითი ძალ-ღონე, აუცილებლათ, ეს საგანი
(სიყვარული) მას „განადგურებს“ (168).

აბა, დაუკვირდით, თუ, როგორის თანდათა-
ნობით მდაბლდება, მიწიერდება მგოსნის მღე-
რის საგანი; თუ, როგორ ეხვევა მგოსანი ხორ-
ციელი ტრფობის აღში; თუ როგორ იმონა-
ვენს მის ვნებათა დღევა, სხეულის ნდობა-
სურვილი! დაუკვირდით, თუ როგორ თანდა-
თან ამდაბლებს, ამიწიერებს თვისს, ისედაც
დაბალს და უღირსს, „ღმერთს“!

პოეტი, უმთავრესათ, იმითი იხიბლება,
რო მიჯნური „ჩააკვდა მის მიმქრალ ტუჩებს“
(186), რო მან, „ვნებით სავსემ, ვნებით ჩაკბი-
ნა“ (110). მგოსანს საოცნებოთ გახდომია
„სატრფოს სარეცელის ნახვა“, (207) „კოც-
ნით დასრესა მისი ამოფეთქილ მკერდის კუკუ-
რის“ (183). მას სურს „დასტკბეს სინამ-
ღელით“ და ამისთვის სატრფოს ტყეში
იწვევს.

იქ მე ასე გადავიწევენ სათუთ მკლავზე
გადატებით,
იქ მე კოცნით წაეშლი მიწას აქოჩრილი შე-
ნის ფეხით!
იქ მე ასე მსურს მოვკოცნო შენი ტუჩი მოხას-
ხასე,
აი, ასე მსურს მოვკოცნო... აი ასე, აი
ასე“..

ჩანს, რომ ი. გრიშაშვილის ძლიერ შეუ-
ტრპავს ვნებათა დღევის მორევში; ისე ძლი-
ერ „დამთვრალა“, რო ქალის ფეხი გაუხთია
„სალოცავ სულის კერპათ“.

„რა ვქნა? მკერდ ქვეშ გულის ნაცვლათ
შენი ფეხი მისვენია,
ჩემ სალოცავ სულის კერპათ მხოლოთ ეგ
ლა დამშთენია;
ოდეს მოვკვდე და დამატყდეს მე რისხვა ზე-
ცით ნატეხი—“

ამასა გთხოვ:—ჩემს საფლავზე ძეგლათ გას-
დგი შენი ფეხი.“ (173)

ამაზე უფრო „დაკინება“ შემოქმედები-
სა, ამაზე დაბლა დაშვება პოეზიის წმიდა დრო-
შისა წარმოუდგენელია!

ტყვილათ ეძებენ ჩვენი კრიტიკოსები და
დეკტორები რაღაც სიმბოლოს“ ი. გრიშაშვი-
ლის ლექსებში; ტყვილათ ცდილობენ გააზე-
ციერონ მისი დღემდის უაღრესათ მიწიერი
სიმღერა; ტყვილათ გონიათ რო პოეტმა რა-
ღაც ახალი მოტივი და ძიება შეიტანა სიყვა-
რულის განცდაში! ტყვილათ ეპოტინებიან
აღმოსავლეთს, აღმოსავლეთის პოეზიას: გადა-
ქრით შეიძლება ითქვას, რომ ი. გრიშაშვილი
დღემდის მხოლოთ ნიჭიერი შეგირდია „ამა-

ქრეოლებელ“ ხორციელ სიყვარულის მომღერალ რ. ერისთავისა (პირველი ხანა მისი შემოქმედებისა) და „ემზით დამწვარ“ გ. აბაშიძისა. იგივე მოტივები, იგივე სურათი, თუ იგივე არა, ძლიერ მსგავსი სიტყვები და ფრაზები სიყვარულის გამოხატავათ! ოლნ დნიკიერმა შევირდმა,—არ ვიტყვით ვაღრმავაო,— ვააფერადა, მოაოქრვა ამიკობა ლამაზი და ბრჭყვიალა სიტყვებით, შედარებით და სხვა და სხვა ეპიტეტებით... ი. გრიშაშვილის სატრფიალო ლექსები სწორეთ რომ „ამურის კალმით, კალმით სათუთით არის შექმნილ — შეთხზული“ (200) და ერთ გვარ ხასიათის აღმიაწე ცხოვრების განსაკუთრებულ მომენტებში დიდს ჩაბეჭდილებასაც იწვევს..

ი. გრიშაშვილის სიმღერა მხოლოდ იმით, განირჩევა რ. ერისთავის ღ. აბაშიძის სიმღერისგან რომ უკანასკნელთა ტრფიალი ლალი, უღარდელი, ტბილი ღ უიკვაა, პირველის კი ნაღველ ნარევი, მწარტკბილი, ცრემლიანი და იჭვიანი.

დღემდი ბ. ი. გრიშაშვილი, როგორც აღწინშენთ, დაჯინებით მხოლოდ ერთს საგანს დამდერის, ერთ ღმერთს ემსახურება. პოეტის ცალცაქე „ჰიმნი“, ამ ღვთაებისადმი მოძღვნილი, ლამაზი და ჰარმონიულია, და, თუ თქვენს გონებას არა, ესთეტიურ გრძობას მაინც გიტკობთ იზვიათის მუსიკალობით. მარა, როდესაც კრებულში ზედიზედ კითხულობთ ამ „ჰიმნებს“, თავს გაბეზრებს თვისის ერთფეროვნებით, „ერთსახობით“. თაიგული მაშინ არის ლამაზი და შეენიერი, როდესაც სხვა და სხვა ფერის სურნელოვან ყვავილებისგან არის გაკეთებულ-შეზავებული. ი. გრიშაშვილის ლექსთა კრებულიც მაშინ იქნებოდა თვალწარმტაცი და დამტკობი, თუკი იქ, გარდა „საამიკო წერილებისა“ (189), სხვა შინარისის „წერილებიც“ იქნებოდა. სამწუხაროთაკი, ჩვენ იზვიათთ შევხვდებით პოეტის ლექსებში სხვა საგანზე მღერას, მაგალ. მოქალაქობრივ მოტივს და, საზოგადოათ, რამე ზოგად საკითხებზედ და ღირსშესანიშნავ იდეებზე დაუქრებას, ამ საკითხებით და იდეებით გამოწვეულ პოეტურ განცდათა გამოთქმას.

თუმცა პოეტი ერთს თვის ლექსში ამაყათ ამბობს: „მეკი ცას ვეკუთნი; შენი ვარ ღმერთო, მე ზეცას ვიწვია“ (148) და თვის თავს „ზეკაცს“ უწოდებს (129), მარა დღემდი მისი მუზა „დაბლა ხობავს, ღრუბლებამდის ვედარ აღის“ და არაფერი „ციური“ და „ზეკაცური“ შეუქმნია.

პოეტი ძლიერ ცდება იმაშიაც, რომ გო-

ნია, ვითომც ყველა, ვისაც მოწყურდება „ზეკეყენიური, წმიდა, უმწიკლო სიყვარული“ მის „წიგნში“ იპოვნის და „მზიური და მთვარული ჰანგებით“ დატკება (226).

ერთათ ერთი წმინდა ესთეტიური გრძობა, რომელსაც მკითხველი განიცდის მგოსნის „წიგნიდან“, ბუნების გრძობაა. პოეტი ლამაზათ აგვიწერს სხვა და სხვა ბუნების მოვლენას და მოხერხებულათაც ჩააქსოვს ხოლმე ამ აღწერაში თვისი პირადს განცდას და გრძობას. მხოლოდ მის სურათებს აკლია ვაყის სურათების სიმარტივე, აკაცისა — სინაზე, ილიასი და ორბელიანების — სიძლიერე.

ი. გრიშაშვილის ეპიტეტები გადამეტებით გაშალაშინებულ — გაეღვარებულთა, ბრჭყვიალა. აკლია ხორცშესხმულობა და ნერვები. მგოსნის ბუნების აღწერაში „სიტყვა“ ჩრდილავს სურათის მოხაზულობას, ნაკვთებს და, ამაირათ, სახე სურათისა მკითხველის წინაშე მკრთაღდება, რაღაც ბურუსით გადიკვრება. საჭიროა კაცმა ძალა დაატანოს თვის ფანტაზიას, რომ ნათლათ წარმოიდგინოს დახატული ბუნების მოვლენა. სამინუშოთ ამოვწერთ რამდენიმე ტაეპს.

„დავტოვე ბალი, ტრფობის ბალი, უცხოთ მორთული, საღ ღრუბლის ნამი ეხვეოდა ყვავილთა მტევანს, საღ მთვარის შუქი სხივ-გაშლილი, სხივთ თაიგული იღუმალ ზრახვათ ეფრქვეოდა ბროლის შადრევანს.

ცის სიმფონიაშის ტალღებში ტბილ ჰანგათა კმევით ალივლივებდა, ატოკებდა მგოსნის სულის ნავს; ღამის ნიავე გედის სპეტაკ თეთრ ფრთათა რხევით დახლართულ ბუჩქებს უწეწავდა ჩამოშლილ ნაწინავს“ (134)...

* * *
„ცის ჰორიზონტსა გადაკვრია ღურჯი არშია, სიზმარს დაემებს ცაში მთვარე, სიზმარს სუბუქს, ნელს შავ-თვალა წვიმა წყნარათა ცრის და ბუჩქ-ლი ია თავჩაქინდრული შიმობანვეს თაფლის ფერ სურნელს.

კულრაქა სიო ლაზღანდარობს, მიდამოს არხებს,

სულს აცისკროვნებს ფოთოლთ ცეკვა, ტყის
 დასაფალი,
 ვარდის ღიმილი ნეტარების ცრემლებსა
 აფრქვევს,
 ფერად კიდევს ლაღათ დაცქერის მთისა
 მწვერვალი“ (49)...

* *

„როს ქარიშხალი ზუზუნ-გრიადებს,
 ეხლება, ებრძვის მაღალ მწვერვალებს
 და ხეს, ტყეს, ღრეს, კლდეს ლეწავს და
 ამსხვრევს,
 შხამ-გესლ მწვავს ანთხევს, ყფას, კვნესს,
 მღელვარებს,
 დაძრწის ეული, ქუხს, სწუხს, მძივინვარებს
 გააფთრებული, —

მაშინ ყვავილი წელში იხრება“... და სხვა (27).
 ამ სამიოდ მინუშიდანაც ჩანს, რომ პო-
 ეტი ბუნების აწლერის დროს უფრო სხვა და
 სხვა ფერათ საღებავების — სიტყვების — ამორჩე-
 ვის ზრუნვა-ცდაშია, ვინემ თვით ბუნების რო-
 მელიმე მოვლენის ხელშესახებათ, მკაფიოთ და
 მთლიანათ წარმოდგენაში. მის უფრო იტა-
 ცებს სიტყვების — ფერადების — ლამაზათ შეზავ-
 შეხამება, ვინემ თვით საგნის მოხაზულობა,
 მისი ბუნებრივი სახე და ელფერი. მარა, რო-
 დესაც მგოსანი ამ ჩვეულებას, წერის მანერას,
 ივიწყებს, ან ავიწყდება, მაშინ მისი სურათები
 შევნიერი გამოდის; მაშინ მისი ლექსიც სადა
 და ნაზი სიტყვითაა აკინძული, მაშინ სურა-
 თიც ხორცს ისხამს, მთლიანდება. აი, ამის
 მინუშებიც.

„გაზაფხულდა! ტოროლამ ჩაიკენეს-ჩაიწკრი-
 ალა,
 ზრამუხტ ცის ნამმა ფოთლები დანამა
 ააბრჭყვიალა,
 მერცხალმაც ცისა ნიაფი გააპო, შეისრიალა.
 და ცელქმა სიომ ბუჩქნარი შეაკართო, შე-
 აშრიალა.
 გამოზაფხულდა! კორდის ძირს მოშხუის
 ლაღათ მდინარე,
 წარბებს იღებავს ყვავილი, იღვიძებს ვერხვი
 მდინარე“ (81)...

* *

„ბუჩქის ძირას
 სოსანი სტირს,
 ეკალს მკერდი ვაუკაწრავს
 გოდებს, მოთქვამს
 და ვეცხლის ნამს
 მდღლოს აკმევს... ცრემლებით რწყავს“ (63)..

IV.

არამც თუ ბუნების აღწერაში. სხვა დრო-

საც, სხვა თვის განცდათა და აზრთა გამო-
 ხატვაშიაც, ჩვენი პოეტი გადაჭარბებით ხმა-
 რობს თვის ოსტატობას და უკიდურესათ დე-
 კადენტურ, თითქმის ფუტურისტულ, ხასიათს
 აძლევს ზოგიერთ სიმღერას.

მართალია, ი. გრიშაშვილის ქართული,
 მისი სიტყვები, განსაკუთრებით, მისი საუც-
 ხოგო ლექსთა-წყობა, სიტყვა-კაზმულობა სა-
 მაგალითოთ უნდა ჩაითვალოს; მართალია,
 მგოსანმა შექმნა, — დიახ, შექმნა, — საუცხოვო
 ლექსი, სიტყვათა ტებილ-ხმოვანება, მუსიკა-
 ლობა და ამ დარგში მას მასწავლებლის რო-
 ლიც შეუძლია იკისროს; მართალია, გრამა-
 ტიკულადაც მისი ქართული უნაკლოა და, საზო-
 გადოთ, სოლენციზმების, კერძოთ რუსიციზმის
 ნასახსაც ვერ იპოვნით მის ნაწერებში... სუ-
 ყველაფერი ეს მართალია. მარა ნუ დაავიწყდე-
 ბა ჩვენს ნიჭიერს მგოსანს, რომ უკიდურესობა
 ყოველთვის მავნებელია, რომ გადამეტებული
 ვარჯიშობა, მაგალითათ, ფიზიკური, აეტრმატი-
 ურს ხასიათს აძლევს სხეულთა მოძრაობას, ბუნებ-
 რივ გრაციას ჩრდილაგს, ჯამბაზობათ გადიქტევა.
 ნუ გადააქარბებს პოეტიც ფრაზების გაღამა-
 ზებაში; ნუ გაიხდის სპორტათ ახალ-ახალ
 ეპიტეტების გამოძენას; ნუ დაავიწყდება, რომ
 აკაკის პოეზიის ჯადოსნობა, უმთავრესათ, მი-
 სი ლექსების ბუნებრივობა — სიმარტოვეშია,
 რომ „ფრაზა“ სძულს აკაკის!

სამინუშოთ ჩვენ აქ ამოვწერთ რამდენიმე ეპი-
 ტეტს, წინადადებას, ლექსისათაურს, რომლე-
 ბიც უცნაურ პოეტურ სამოსილოშია გახვეული.
 „აღერისის ნატები“, „ლურჯი სურ-
 ვილი“, „მიტკლის ბაგე“, „გიშრის ლა-
 მე“, „სანთლების ხევიანში“, „თმების სი-
 ცილი“, „დამტვრეული ცრემლები“, „მზის
 სხივთა ნაქუქები“ და სხვა ბევრი ასე-
 თი უცნაური სიტყვები და ეპიტეტები შეგზ-
 დებათ ბ. ი. გრიშაშვილის ლექსებში. თქვენც
 დამეთანხმებით, რომ ეს ფრაზები ყოველივე
 პოეტურს სიშვენიერეს არის მოკლებული და
 სრულებით ხელს არ უწყობს აზრის გაშუქებას,
 საგნის გახორციელებას.

სხვისი რა მოვასხნოთ, და ჩვენში-კი
 არავითარ ჩამეჭდილებას იწვევს ისეთი — გარე-
 გნულათ ლამაზი და ორიგინალური სიტყვათა
 თაიგულიც, როგორც არის ლექსი „ტბის დე-
 ლოფალი“. აი, ნაწილი ამ ლექსისა:

„დამესიზმრა: — ტბის ასული ტბის ქაფთაგან
 ყვავილს ჰქმნიდა,

აბრეშუმის ჩამოქნილ თმებს მზის სავარცხ-
ლით ივარცხნიდა;
თეთრ ყირმიზის საროს-ნაკვთზე ჩაკვდომოდა
შევების ღიმი
და ცვარ-მიყრილ ძუძუ მკერდით გამოკრთო-
და ტუბის ციმციმი;
კბილთა მძივი სხივ-ანკარა, სხივს აყრიდა მარ-
ჯნის თლილ ქვებს
ფეხთ სამოსი განეკარცვა, და მღეროდა ვარ-
დის სიტყვებს,
აეროვან ტანს არხვედა, ტანს მზის შუქით
ნაქარგ—ნაქსოვს“ (150)...

აქ თითოეული სიტყვა, მითუმეტეს თი-
თოეული ფრაზა, ცალკე აღებული და განხი-
ლული, საუცხოვო და მხატვრულია, მარა ერ-
თათ შეერთულ-შეზავებული და საგანგებოთ
ფერ-უმარულ წასმული უფრო შევირდისგან
ცუდლად დახატულ სურათს (лучшая картина)
მოგაგონებს, ვინემ ოსტატისგან შექმნილს
ხელოვნურ ნაწარმოებს...

ცდება პოეტი და მასთან ერთათ ცდებაინ მი-
სი ასეთის წერის მანერის მომხრენი იმაში,
რო დავიწყნიათ შემდეგი: ნამდვილი ხელოვანი
ერთის ხაზის მოსმითაც, ერთის უბრალო,
მარა მოხერხებულაჲ ნახმარ სიტყვითაც შეს-
ძლებს შეუღარებლათ გაასულიეროს უსულო
საგანი, ხორციით და ნერვებით შემოსოს ის,
სისხლით გალაყაღოს მისი სახე... ნამდვილ
პოეზიისთვის სრულებით საჭირო არ არის
გულმოდგინეთ გაშალაშინებული—გაპრაღე-
ბული სიტყვათა ვაქანალია. როგორც ვიცით,
მარტივი და სადა სურათ ხატების კლასიკუ-
რს მაგალითს წარმოადგენენ—ჩვენში აკაკი,
რუსეთში პუშკინი.

სამწუხაროთ, მარტო ი. გრიშაშვილი არ
არის ამ სენით ავათ; მითი ავათმყოფია—და
საგრძნობელათაც—მეორე ახალგაზდა ნიჭიერი
მგოსანი ს. აბაშელი.. და თითქმის ყველა
ჩვენი ახალგაზდა პოეტები. როგორც კრილო-
ვის გლეხს ნამეტანის ხეხვით (უნდადა ნაპო-
ვი ოქრო გაებრქვივალბინა და მეტ ფასათ
გაეყიდნა) ხელში შამოადა ოქრო (წონა მო-
აკლდა) და მით ფასი დაუკარგა მას, ისე ჩვენს
პოეტებსაც მეტის მეტი ფხვკა—ხეხვა გაშა-
ლაშინებით ხელში აღნებათ თავის თავათ ძვირ-
ფასი ქართული სიტყვები და ფრაზები და
ამით თვის შემოქმედებას ფას უკარგვენ. და,
თუ მათ ღროზე თავი არ დაანებეს ფრაზათა
შექმნა—გაბრქვივალბებაში შეჯიბრებას, დოდს,
მაშინ ჩვენს პოეტურს ენას საფრთხე მოვილის:...

V

მოკლეთ ჩვენი შეხედულობა ი. გრიშა-
შვილზე შემდეგია:

ი. გრიშაშვილი მომავლის პოეტია; მასში დი-
დი პოეტეციალური ძალაა შენახული. მგოსა-
ნი დღესაც, იმისდა მიხედვითაც, რაც დაუწე-
რია, სრულებით არ არის „მეტი ქყეყნათ.
არარა, მიწა და მტვერი“, როგორც თვითონ
გონია (167). მხოლოთ უნდა იცოდეს მგო-
სანმა, რო, თუ ძველს გზას არ აუხვია და
ახალს არ დაადგა, ფერადები მისის პოეზიისა
ჩქარა გახუნდება, ჩანგის ნაზი სიმებიც ვაცდებ-
და და მისი სახელიც“ მკრთალის ასოებით ჩა-
იწერება ჩვენს მგოსანთა სიაში.

ი. გრიშაშვილი გახდება ღირსშესანიშნავ
მხატვრათ მაშინ, როდესაც სამშობლო ვაა-
ნაობს მას „აწმყოს, წარსულს, მომავალს“;
კერძოთ მაშინ, როდესაც დაეწაფება ჩვენი ზე-
პირ სიტყვაობის უშრეტს წყაროს და იქიდან
დაიწყებს ობოლ მარგალიტების ამოკრეფას
ისეთის ოსტატობით, როგორც ამას ახერხებს
დღეს ვაჟა-ფშაველა.*)

ი. გრიშაშვილი, საზოგადოთ, სიტყვა-კაზ-
მულობის ნამდვილი ვირტუოზია, მარა ლექსის
„შექმნაში“ გადაჭარბება ეტყობა, მომეტებუ-
ლათ უკანასკნელ ხანებში. ეს-კი ძლიერ სახი-
ფათოა: შეიძლება მგოსანი ზომიერებას მთლათ
გადაცდეს, სიტყვებით გუნდაობას საბოლოოთ
შეეჩვიოს და მით თვის შემოქმედებას სრუ-
ლიათ ფასი დაუკარგოს.—

ბუნების კერძო მოვლენათა აღწერა პო-
ეტს ეხერხება, მთლიანს სურათს—კი ვერ ქმნის.
საყურათღებოთა ისიც, რომ ი. გრიშაშვილის
ბუნების აღწერა ზოგადის ხასიათისაა, არ
ემჩნევა საქართველოს ბუნების ელფერი, მი-
სი ნიშანდობლივი თვისება, მგოსანს ვერ მო-
უხერხებია დაეწერა ისეთი ლექსი, რომელიც
ნათელ წარმოდგენას იძლეოდეს საქართველოს
საზღაპრო სიშვენიერზე. როგორც ქალაქში
დაბადებულს და აღზრდილს, მას, ეტყობა,
ორგანიულათ ვერ შეუსისხლხორცებია თვისი
„ცა-ფირუზ, ხმელეთა-ზურმუხტი“ სამშო-
ლიოს,—კერძოთ, საქართველოს სხვა და სხვა
კუთხის სილამაზე და შვენიერება...

ერთ ლექსში ი. გრიშაშვილი ამბობს:
„მე ყვაილი ვარ, ზღვის ყვაილი, სნეუ-
ლათ მყოფი.

*) ნიჭიერი კრიტიკოსი ვაჟა-ფშაველას ლირიკის
დაფასებაში აჭარბებს. ხომალდი.

ექსნები! და მხოლოდ სადარდებლათ თან
ის მიჰყვება,
რო ვერ ვიმრავლე, ვერ დავსტოვე ჩემი ნა-
ყოფი“ (91).

სწორეთ თვისი „სწეულების“ ასეთ გულრწფე-
ლათ წეგნებაშია ი. გრიშაშვილის ხსნა; აქ არის
ჩამარხული მისი მომავალი ბედი და ნაყოფიე-
რება! „სწეულების“ მთავარს მიზნებს, რო-
გორც ვიცით, მგოსანმა მიაგნო. აწ-კი იმე-
დას, რო მისი ძლიერი ორგანიზმი ავანტიურულ-
ბას გადაიტანს და კიდევ დიდს ხანს იცოცხ-
ლებს, „იმრავლებს“ ქართულ პოეზიის სასარ-
გებლოთ.

**წ. კ. ს. ყულაბის მოკარვის გამო
„იმერეთიდან“.**

ყურნალ-გაზეთების კანტორის გამგე ის.
კვიციანიძეს წ. კ. საზოგადოების ქუთაისის განყო-
ფილებისგან ებარა ფულების შესანახავი ყულა-
ბი, რომელიც კანტორაში საგაზეთე მაგიდაზე
ელგა და მსურველები აგდებდნენ შიგ თითო-
ოროლა გროშს.

ამ გვარი ყულაბები გამგეობას სხვა სა-
ვაჭროებსა და დაწესებულებებშიაც აქვს ჩამო-
რიგებული ამ კულტურულ საქმის საშვალემა-
თა გასაძლიერებლათ.

ამ ყულაბებით განყოფილების ხაზინადა-
რი ყოველწლობით აგროვებს ფულებს და
წელსაც ბ. მოსეშვილიმა ჩამოიარა ყულაბები-
დან ფულების შესაგროვებლათ.

26 მარტს, საღამოს, ხაზინადარი მოსე-
შვილი მოვიდა კანტორა „იმერეთში“ და მო-
თხოვა ყულაბი. კანტორის გამგემ იგი მო-
თხოვა თავის მოლარე ქალს, რომელმაც მიიძ-
მოიძია, მარა არც მაგიდაზე, არც სხვაგან საზო-
გადოების ყულაბი აღარ ამოჩნდა, ვიდაცის უკულ-
მართ ხელს იგი მოეპარა, მხოლოდ, როდის,
ან ვის ამის აღმოჩენა შეუძლებელი შეიქნა.

კანტორის გამგეს ეკვი ისევ თვის მეგა-
ზეთეებზე აქვს, რომლებმაც ეს მესამეჯერაა
ცარცვა-ვლეჯა ჩაიდინეს კანტორაში.

პირველათ კანტორის ოთხმა მეგაზეთემ,
რომლებმაც მისი ყოველივე შესავალ-გასავალი
იცოდნენ, შარშან ეზოდან ჩაამტკრიეს კანტო-
რის მინიანი უკანა კარები და გაიტაცეს იქი-
დან თუჯის კასა, რომელშიაც პატრონს ქო-
ნებოდა 10 მ. 15 კ.

წადებული კასა კანტორას მეორედ დღესვე
მოუნახეს, მხოლოდ ამის მომქმედნი დღესაც
თითო წლის სასჯელს იხდიან ციხეში, სადაც
ერთი მათგანი უკვე გარდაიცვალა.

მეორეჯელ ქურდობა იქვე ისევ კანტო-
რის მეგაზეთემ (ყ-ლმა) ჩაიდინა. ეს მოხდა
ახლახან იანვარში, როცა კანტორის გამგე დი-
ლა ადრიანა, 6 საათზე, სადგურზე წასულიყო
გაზეთების მოსატანათ. ამ დროს კანტორის
ერთ მეგაზეთეს ედროვებინა, შეელო ქუჩიდან
კარი, გაეღო მაგიდის ყუთი, ამოეღო იქიდან
ოცი მანათი ხურდა და ქაღალდის ფული, ხო-
ლო დავთრები და კასა იატაკზე მოერილივითა.

მესამეთ-კი ახლა 26 მარტს აღმოჩნდა,
რო, კანტორის იმავე მეგაზეთეებმა არ დაინ-
დვეს თავის მრჩენელი და მის გაუტყნებლათ მო-
პარეს წ. კ. საზოგადოების ყულაბი, რომელშიაც
გამგის თქმით იქნებოდა 1 — 2 მ. გროშის ფული.

აი, ასე არიან შეჩენილნი ქუთათური
მეგაზეთეები ამ კულტურულ-საზოგადოებრივ,
მწიგნობრობის გამავრცელებელ დაწესებუ-
ლებას, რომელსაც კეთილი სახელი აქვს მო-
ხვეჭილი არა მარტო ქუთაისის მცხოვრებთა
შორის, არამედ მთელ ქუთაისის გუბერნიაში
და მის გარეშეც; ასეთ და ხშირათ უარეს
ბრძოლას აწარმოებენ ქუთათური მეგაზეთეები
კანტორა „იმერეთის“ წინააღმდეგ და აუტა-
ნელ ზნეობრივ და ნივთიერ ზარალს აყენებენ
მას დღიდან მისი დაარსებისა და, არ იქნა,
იმათი ამ საქმიდან ჩამოშორება.

კანტორის გამგე-კი მათ კულტურული
საშვალეებით, პრესის ფურცლებზე ებრძვის მათ
ყჩაღურ მიდრეკილებას, მარა მარტოხელი
ვერა გახდა რა ამ ბრძოლაში. ქუთათური სა-
ზოგადოება-კი ამ სამწუხარო მოვლენას მწიგ-
ნობრობის საქმეში ჩვეულის გულგრილობით
უყურებს და ერთხელაც არავის გაუეციხავს
არც ერთი მათგანი ასეთი უდიერი საქციე-
ლისთვის და, ამიტომაც, ისინიც თამამათ თა-
რემზობენ ბულვარზე და ქუჩებში და განაგრ-
ძობენ კანტორისადმი უგვანო ბრძოლას...

საჭიროა, ბეჭდითი სიტყვის გავრცელე-
ბისთვის ასეთ შეუფერხებელ მოვლენას ქუ-
თაისის საზოგადოებამ მიაქციოს ყურთადლება
და ალაგმოს ასეთი მისი პიონერების საქციელი.
X-ისა.

შეცდომის გაწორება.

მეშვიდე ნუმერში შეცდომით არის და-
სტამბული — პოეტი მარკოვი. უნდა იყოს: პო-
ეტი მაიკოვი. 32-ე გვერდზე დაბეჭდილია —
გამაართლებს. უნდა იყოს: გამაართლებს.

რედაქტორ-გამომცემელი ს. შჭკლადიძე.

შიილება 1915 წ. პირველ იანვრიდან ხელის მოწერა სამეცნიერო და სა-
ლიტერატურო და საზოგადოებრივ ჟურნალ

გ ა ნ თ ი ა ლ " - ზ ე ,

რომელიც გამოვა ორკვირაში ერთხელ ხომლეღის ხელმძღვანე-
ლობით.

წლიურათ ჟურნალი ეღირება 4 მან. 60 კაპ., ნახევარი წლით 2 მან. 30 კაპ.,
სამი თვით 1 მან. 15 კაპ., თვიურათ 50 კაპ., თითო ნუმერი აბაზათ.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ. ხე-
ლის მოწერისას 2 მან. 60 კაპ., პირველ აპრილს—1 მან. და პირველ ივ-
ნისს—1 მან.

ქუთაისში ხელის მოწერა შეიძლება ისიღორე კვიცარიძესთან, თომა მთავრიშვილ-
თან და ძმ. ოცხელების წიგნის მაღაზიაში, თფილისში წ. კ. გ. საზოგ. მდივანთან,
ბაქოში, ქართული სკოლის გამგე მეთოდე კაკაბაძესთან, ფოთში კაწია გამყრე
ლიძესთან, ხონში - გიგლა წებუკესთან, ბათომში სოსიკო მდივანთან, სოხუმში
ანთიმოზ ჯუღელთან და კავკაზში თ. იასონ მერაბისძე ლორთქიფანიძესთან.

ფული უნდა გამოიგზავნოს ამ მისამართით: Гор. Кутаисъ. Роману Спиридо-
новичу Панцхава.

ამიერიდან ძ. ჟუთაისში გამოდის ახალი გაზეთი

„საზოგადოებრივი“

გაზეთის ფასი: წლიურათ 8 მ., ნახევარი წლით 5 მ., თვიურათ 4 აბ. ცალკე
ნუმერი ერთი შაური, დამატებიანი— 7 კ.

ესევე გაზეთი დაურიგდებათ „იმერეთის“ ხელის მომწერლებს.

გთხოვთ წერილები და ფული გზავნათ შემდეგის ადრესით: ქუთაისი, რედაქცია
„სამშობლო“, თფილისის ქუჩა, სახლი პ. ი. გოკიელისა.

გაზეთს ყოველ კვირა ექნება ნახატებიანი დამატება, დამატების გამოცემა დამო-
კიდებულია თანამგზავობთა რიცხვის გამრავლებაზე.

ვთხოვთ ომში დაჭრილთა და მოკლულთა ნათესავ-მეგობრებს მოგვაწოდონ მათი
პორტრეტები.

ვთხოვთ აგრეთვე ადგილობრივ დაწესებულებას და საზოგადო მოღვაწეებს გვი-
გზავნონ პორტრეტები.

მოწვეულნი არიან ცნობილნი და საუკეთესო მწერალ-თანამშრომელნი. მათი ღირ-
ამ დღეებში გამოქვეყნდება.

რედაქტორი ა. თ. წინტაძე.